

প্রকাশক—  
সন্দীপ দে চৌধুরী  
ভগ্ন সাহিত্য মন্দির  
লেন, কলিকাতা—১৪

দ্বিতীয় সংস্করণ প্রাপ্ত, ১৩৫৩

মুদ্রাকর—  
শ্রীযোমকেশ মহুমদার  
রূপলেখা প্রেস  
১নং গঙ্গাধর বাবু লেন, কলিকাতা—১২

নবকুমার

## দানব গৌরব

প্রথম দৃশ্য

দৃশ্য সংকেত :—স্থান—গন্ধর পর্বত ।

দৃশ্যের প্রথম প্রকাশে দেখা গেল, পর্বতের একটি  
মতল প্রদেশ । আজ্ঞাদনবিহীন একস্থানে অজিন  
আসনে বসিয়া ধ্যানমগ্ন হিরণ্যকশিপু । মস্তকে দীর্ঘ  
জটাজাল, অশ্রুপূরিত বদন ।

কিছু নিম্নে পৈরিকবসন পবিহিত এক সাধু বসিয়া  
আশন মনে গান গাহিতেছেন । গাহিতে গাহিতে মাঝে  
মাঝে পাদচারণা করিতেছেন, আবাব বসিতেছেন, কখনও বা  
হাসিতেছেন । সহসা কি ধেন মনে করিয়া গীতমুখেই  
বাহিরে চলিয়া গেলেন ।

এই পরিবেশের মধ্যে দৃশ্যের অবতারণা ।

সাধুর গীত

চিন্তায় মম মুক্ত মানস চিন্ময় প্রাণারাম ।

নিত্য সত্য শাস্ত শিব মৃত্যুঞ্জয় নাম ॥

আলোকে আধারে অসীমে সসীমে ষোড়শপথে

উঠে তান ।

শুদ্ধচিত্ত অপাপবিদ্ধ শুনে সেই মহাগান ॥

শত শশধর জিনিয়া কাণ্ডি পরম শান্তিধাম ।

হেরিতে তাঁহারে হৃদিমন্দিরে ভকত মনস্কাম ॥

অরূপ সরূপ সগুণ নিগুণ মরি কি রসের ভার ।

অপগত ভয় বন্ধন ক্ষয় জয় জয় জয় তাঁর ॥

( গাহিতে গাহিতে মাধু বাহিরে বাইবার কিছুগবে  
হিরণ্যকশিপু চক্ষু মেলিলেন ও চারিদিকে চাহিয়া কিছু  
না দেখিতে পাইয়া জ্বলন্ত ব্যাকোক্তিভাবে বলিলেন )

হিরণ্য :—‘জয় জয় জয় তাঁর’ !

মূৰ্খজীব, জানেনাকো কা’রে দেয় জয়,

কারে বলে জয় !

শুধু সংস্কার, অভ্যাসের চক্রতলে কঠিন পেষণ,

অন্ধকার বাড়ায় কেবল ।

( শূন্যপ্রেক্ষণে কিয়ৎক্ষণ চাহিয়া রহিলেন )

কে এ উদাসী ?

নিত্য আসি

সঙ্গীতধারায় মোরে ধ্যানের জগৎ হতে

এমন টানিয়া আনে ?

বে’ই হোক,

প্রাণময় কোষে করে বিচরণ ইহাতে সংশয় নাই ।

সৃষ্টিমাঝে এমন কতই আছে অজ্ঞাত সাধক

কে করে নির্ণয় !

( ধীরে ধীরে আপন হইতে উঠিয়া হস্তপদ প্রসারিত  
ও সংকোচিত করিয়া দেহের জড়তা দূর করিতে করিতে  
বলিলেন )

বড় স্নিগ্ধ, বড় পৃথ,

বড় শাস্তিময় এই মন্দের পর্বত ।

তপে নিমগন,

সমাধি বিলীন আছি কতদিন,

শ্রান্তি নাই, ক্লান্তি নাই,

নাহিক' বিকার কোন,

কিবা দেহে অথবা অন্তরে।

( সাধু মুখে পূর্বোক্ত গীতের ধূয়া শোনা গেল।  
 তিরণাকশিপু বোধ হয় কতকটা কোতুহলভরেই তাহার  
 আগমন পথের দিকে চাহিয়া রহিলেন। গীত কণ্ঠে  
 প্রবেশ করিলেন সাধু।

কশিপুর সহিত দৃষ্টির বিনিময়ে আপনা হইতেই  
 গান থামিয়া গেল। কশিপুই প্রথমে বাক্যের অবতারণা  
 করিলেন, কিছুটা অবতরণ করিয়া )

মুক্তিপথকামী,

কে আপনি পুরুষ প্রধান ?

নিভা শুনি গান, বিমোহিত প্রাণ ;

বাধা যদি না থাকে ধীমান,

পরিচয়—

( সাধু ক্ষিপ্ত বিনয়ের সহিত তাহার কথায় বাধা  
 দিয়া বলিলেন, প্রাণ যুক্তহস্ত )

সাধু :—উদাসীর পরিচয় কিবা !

ফিরি বনে বনে, গহন কাননে,

যত্র বিভুগানে, এই মোর ক্ষুদ্র পরিচয়।

ভালো লাগে নির্জন এ স্থান,

আনি বাই, গাই তাঁরি গান।

শান্তির ভিখারী আমি।

'কিস্ত কে তুমি মহান ?

দীর্ঘদিন হেরিভেছি,

রত তপস্যার নির্জন এ গিরিশৃঙ্গ পরে'।

রাজচক্রবর্তী চিহ্ন ললাটে তে'মার,

ভুজ সুবিশাল, প্রশস্ত উরস,

ধ্যানমগ্ন ধূজটির প্রায়

কোন্ দেবে কর আরাধন?

হিরণ্য :—হিরণ্যকশিপু আমি দৈত্যকুলপতি ;

পৃজি পদ্মযোনি দেব প্রজাপতি ।

(এই কথা শুনিয়া উদাসীন পরম শ্রদ্ধাভরে ছুই  
হাত তুলিয়া নমস্কার করিলেন । কশিপুর প্রতি-নমস্কারে  
উভয়ের হৃদয়মধ্যে অলক্ষ্যে যেন একটি আন্তরিকতার সুব  
বাজিয়া উঠিল, উভয় মুখেই তাহার অল্পভূতিজনিত এক  
দিবাছাতি উদ্ভাসিত হইয়া উঠিল, ফলে এখন হইতে  
উভয়ের কথার সুরে একটি সহজ সাবলীল ভাব  
পরিলক্ষিত হইল )

সাধু :— বহুভাগা ছিল;

পাইলাম ভাগধর তোমার দর্শন ।

অজি সুপ্রভাত মোর ।

হিরণ্য :—( অতি শিষ্টভাবে )

প্রভাতের ওই এক গুণ,

সুকুমার, সুরসিক

সে চিরসুন্দর !

সাধু :— জানিতে কি পারি মহাশ্বন,

গৌরবের উচ্চচূড়ে করি আরোহণ,

কী বাসনা লয়ে

কঠোর এ তপস্যায় যাপিতেছ কাল ?

তিরণা :—বিষ্ণুসন্দর্শন, জীবনের উদ্দেশ্য আমার ।

নহে মুক্তিপথে, ভুক্তিগানে নয় ।

দেহধারী গোলকবিহারী,

এ যদি সম্ভব হয়,

হেরিব নরনৈ ;

শক্তির পরীক্ষা আমি দিব তাঁর মনে-

সাধনার মূলমন্ত্র মোর ।

সাধু :— বড়ই দুর্গম পথ, বড় অনরল !

তিরণা :—জানি আমি দেব

কিন্তু পূর্বকথা কিছু শুনাযো তোমা-

বদি ইচ্ছা কর ।

সাধু :— বল হে রাজন্ ।

নানাতাবে পূজে সর্বজন,

নিত্য নিরঞ্জন, বিভূ সনাতন ।

অপূর্ব এ বিধির সৃজন !

সৃষ্টির প্রভাত হতে

সৃষ্টজীব স্রষ্টারে ধরিতে চান

কত না প্রকারে ;

অনু চান পূর্ণসনে মিলিতে সদাষ্ট ;

লীলার না হয় অবসান ।

যুগে যুগে, কল্পে কল্পে

একই কথা, একই গাঁথা, শুধু ভিন্নরূপে ।

বল শক্তিদর,

কোনভাবে আকুল তোমার প্রাণ ?

কী বিচিত্র লীলার বিকাশ

তোমা হ'তে হইবে প্রকাশ  
জানিবারে জাগে অভিলাষ।

হিরণ্য :—হিরণ্যাক্ষ ভ্রাতা মোর,

শত্ৰুসম বলী, অজের সমরে,  
ক্ষুদ্রজীব বরাহের করে ত্যজিল পরাণ,—  
বলে কিনা, বিষ্ণুই কারণ তার !  
সেই নাকি দেহ ধরি—

না—না—না—বিশ্বাস করিতে নারি।  
আমি যে বিষ্ণুরে জানি, তিনি নারায়ণ,  
নিষ্কাম, নিষ্কিয়, সদা প্রেমমগ্ন !

তঁার পরে হিংসার আরোপ ?

এ বিশ্বাস করিব বিলোপ।

জীবনের সুখদুঃখ যত,  
মানবের নিজের রচনা, বিকৃত কল্পনা তার !  
তাহাদের ক্ষুদ্র ক্ষুদ্র দুঃখের বেদনা,  
সুখের আবেশ ক্ষণিকের,  
বিচলিত করিবে তাঁহারে ?  
এ বিশ্বাস ভীকৃত্য কেবল,  
পুরুষার্থ হীন।

সাপু :—ধর্মের রক্ষণ আর লীলার বিকাশ !

শাস্ত্র কয়,

এই ছুটি কারণেই করিয়া আশ্রয়,  
নারায়ণ যুগে যুগে হন অবতার।

হিরণ্য :—সেই পুরাতন পরিচিত কথা,

শাস্ত্রের উদ্গার শুধু

অলীক কল্পনা।

যুক্তি নাই, সত্য নাই তাহে।

আমি চাই নগ্নত্ব সত্যেরে হেরিতে :

সর্ব মনপ্রাণে অনুভব করিতে তাহারে।

সাধু :— সত্য অনুভূতি, একমাত্র বিশ্বাস-সাপেক্ষ,

এই কথা গার সর্বজন।

কিরণ :—সর্বজনে করি নমস্কার।

ভিন্নভাবে সাধনা আমার।

নচাশল হিরণ্যকশিপু আমি,

তপশ্চান্ন অজেরত্ব করেছি অর্জন ;

অমরত্ব অভিলাষে পুনঃ করি তপ,

সেই আমি, সজেন্ন অমর,

যদি পরাজিত, বিদ্যা হই মুক্ত,

তবে সেই দুর্কলমুহুর্তে জয় দিব তার ;

শাস্ত্রবাক্য অক্ষরে অক্ষরে মানিব তখন,

তার পূর্বে ঐ তব ব্রাস্ত সর্বজনে

নবধর্মে করিব দীক্ষিত,

মূলমন্ত্র তার শক্তির সাধনা।

মানব লভিবে শক্তি আপনার বলে,

বিধাতা হইবে বাদী ॥

হেন যুক্তি উন্মাদ প্রলাপ।

সাধু :— বুঝিতে না পারি,

কী বিচিত্র অভিনব উদ্দেশ্য সাধিতে,

কী অচিন্ত্য লোকশিক্ষা ভরে,

হেন দৃঢ় পণ,



‘হেন বুদ্ধি তোমাপরে’ দিলেন বিধাতা ?

ক্ষুদ্র আমি, কী বুদ্ধিব তাঁহার কোশল ?

হিরণ্য :—কি আশ্চর্য্য ধীমান ?

কখনও কি হয় না সন্দেহ ?

সামু :— ছিল ! আর নাই ।

শান্তিহেতু কিরিয়াছি সমগ্র ভুবন,

উদ্ভ্রান্ত, অধীর ;

জানিয়াছি স্থির,

ধরা চলে একমাত্র তাঁহার বিধানে ।

মানবের কোন শক্তি নাই রোধিতে তাহাণী ।

হিরণ্য :—সৃষ্টি তবে উদ্দেশ্য বিহীন ?

সামু :—তর্কে নাই হবে সমাধান ।

বিধির ইচ্ছায়,

আসিয়াছি যে বাহার স্বকার্য্য সাধিতে ।

কার্য্য অন্তে—ধু ধু করে মর !

যতদূর দৃষ্টি চলে,

গুধু অন্ধকার, ঘন তমোরাশি ।

গুনিবে রাজন্ ?

উদাসীন চিরদিন ছিল না এমন ,

ছিল ঘর, ছিল পরিজন,

দাসদাসী, পুত্রকন্যা, রাজাধন

কিছুই ত’ অভাব ছিল না ?

তবে ?—তবে ?

( পূর্বস্মৃতিভারে সামু কাঁপিতে লাগিলেন । কশিপু  
বিস্মিত হইয়া জিজ্ঞাসা করিলেন )

হিরণ্য :—অধীর কি হেতু দেব ?

সাবু :— না-না-! অধীর কি হেতু ?

অধীর—

( ক্ষণমধ্যে আপনাকে প্রকৃতিস্থ করিয়া লইলেন ও  
পরে শুকচাত্ত সহকায়ে কহিলেন )

কালের কুটিল ঘায়ে খেলাঘর পড়িল ভাঙ্গিয়া ;

ভারে ভারে বেদনার রাশি বরষার ধারামত,

অভিষেক করিল আমারে ।

অভিশাপ দিমু বিধাতারে ;

ক্রুর হাসি হাসিল নিম্বতি,

তীক্ষ্ণ অস্ত্র বিধাতার করে ।

বল ত' রাজন্ !

কার পরে' করি অভিমান ?

( উভয়েই নীরব )

পারিলে না ?

একমাত্র উত্তর ইহার নীরবতা,

ঐ শূন্য নীরবতা ।

চলিলাম তবে ;

কর তুমি আপন সাধনা ।

ইচ্ছা যদি করেন শ্রীহরি দেখা হবে পুনঃ ।

কোথায় ! কখন ! জানেন সে জন ।

(প্রস্থান, হিরণ্যকশিপু কিম্বৎক্ষণ তাঁহার গমন পথের  
দিকে তাকাইয়া রহিলেন, ক্ষণেক পাদচারণা করিলেন, পরে  
কহিলেন)

হিরণ্য :—অদ্ভুত প্রকৃতি !

মহাস্ত্রানী নীরব সাধক, স্মৃতিভারে আচ্ছন্ন পীড়িত।

বেদনা প্রহারে চূর্ণ হয়ে গেছে অস্তিত্ব আপন,

দীন ভাবে ঈশ্বরের লয়েছে শরণ।

যুক্তি নাই, প্রাণ নাই, সত্য নাই তাহে।

আমি চাই বেদনার উৎসের সন্ধান,

কোথা হতে উদ্ভব তাহার, কোথায় বিলয়।

(কিন্নরক্ষণ শুরু হইয়া দাঁড়াইয়া রহিলেন)

এক মনে, এক লক্ষ্যে এতকাল করিতু সাধনা,

আশীষ না পাইতু ধাতার।

পুনঃ বসি তপে,

সন্ধান না পাই এই দেহ দিব বিসর্জন।

(আসনে বসিলেন, আচমন করিলেন, ধ্যানের রাজ্যে ডুবিয়া গেলেন। অন্তরীক্ষে বড় মধুর এক বাস্তব ক্ষীণ স্তরে বাজিয়া চলিল। আকাশ পথে ক্ষুদ্র ক্ষুদ্র জ্যোতিঃকণা দৃষ্ট হইতে লাগিল। সহসা এক তীব্র জ্যোতিঃরেখা। ঐ জ্যোতি যেন অগ্রসর হইতে হইতে কশিপুর ললাটদেশে প্রবেশ করিল। তাঁহার সমগ্র মূর্তিটি জ্যোতির্ময় হইয়া গেল। তাঁহাকে দেখিয়া মনে হয় যেন হিমগিরিচূড়ে ধ্যানমগ্ন ধূর্জটি, শরীর তাঁহার স্থির, বদন প্রশান্ত, চক্ষু অধ-নির্মালিত। তিনি কথা কহিতে লাগিলেন; যেন সন্মুখে কেহ দাঁড়াইয়া আছে ও তিনি তাহার সহিত উত্তর প্রত্যুত্তর করিতেছেন।)

হিরণ্য :—ধীরে ! ধীরে !

উন্মাদ করোনা মোরে

অন্ধকার, অন্ধকার...

তার মাঝে তীব্র জ্যোতিঃ শিখা,

নয়ন ঝলসি যায় ।...

ভাসমান,—ভাসমান আমি ।

কোথা যাই ? কোন্‌দিকে ?

খুঁজিয়া না পাই কোন দিশা,

দিশা,—দি.....

( বাক্য মিলাইয়া গেল । স্তব্ধ হইয়া রহিলেন ।

নগপরে অতি যত্নকণ্ঠে কহিতে লাগিলেন )

কি চাহিব আর ?

জানো না কি তুমি ? ..(নীরব)

কী কহিলে ? অসম্ভব অমরত্ব দান ?

সৃষ্টি বাবে রসাতলে ? .. (নীরব)

বেশ ! তবে এই বর দাও,

মানব, দানব, দেব, রাক্ষস, পিশাচ,

সৃষ্ট যত পশু পক্ষী কীট,

কারো হস্তে মরিব না আমি ।

জলে, স্থলে, অনলে অনিলে,

বোম মাঝে যত্ন নাহি হবে ।

অস্ত্রের অভেদ্য কর শরীর আমার ।...( নীরব)

এত দয়া ? এত দয়া সেবকের প্রতি ?

ধেয়েনা চলিয়া প্রভু,

ধেয়েনা চলিয়া শুধু তথাস্থ বলিয়া ।...(নীরব)

যাও তবে ।

তবে বিদায়ের কালে—

নিরে বাও প্রণতি দাসের ।

(এই সমস্ত কথাগুলির মধ্যে দেহের কোনরূপ গতি বা ক্রিয়া নাই, ধীর, স্থির, অকম্পিত অংগ । জ্যোতি ক্রমে অন্তর্হিত হইল । কশিপু ধীরে ধীরে চোথ মেলিলেন, আসন হইতে উঠিবার চেষ্টা করিতেই মূচ্ছিত হইয়া পড়িয়া গেলেন । পর্দা আসিয়া রঙ্গমঞ্চ ঢাকিয়া দিল ।)

## দ্বিতীয় দৃশ্য

দৃশ্য সংকেত :—হিরণ্যকশিপুৰ ৰাজধানীতে প্ৰাসাদ সংলগ্ন  
উদ্যান বাটিকা ।

তাহাৰই এক প্ৰান্ত দেশে এক বেদীমূলে বসিষা কথা  
কহিতেছিলে দিতি ও কৰ্মাধু । দিতিৰ অংগে সন্ন্যাসিনিৰ  
বেশ । কৰ্মাধু দিতিৰ পদপ্ৰান্তে বসিষাছিলে—তাঁহাৰ  
মুখে এক গভীৰ আকৃতিৰ ভাব ।

কৰ্মাধু :—মাগো !

এমন নিষ্ঠুৰ তুমি !

শুনিবে না কোন কথা ?

কোন্ অপৰাধে অপৰাধী তনয়া তোমাৰ

বল ত' জননি ?

এতদিন পৰে দেখা যদি দিলে,

কেন মাগো কঁাদাও এমন ?

চিৰ অভাগিনি, চিৰ কান্ধালিনি আমি ।

হুঃখ মোৰ কেহ বুঝিবে না ?

দিতি :—বৎসে ! তুমি জ্ঞানময়ী ।

দানবের আলো তুমি, লক্ষ্মী স্বৰূপিণি ।

তোমাৰে কাতৰ হেৰে ব্যথা বাজে হৃদে ।

কৰ্মাধু :—আমারো যে বড় ব্যথা মাতা !

শঙ্কুসম স্বামী মোৰ চক্ৰে অতুল,

তুমি মাতা মূৰ্তিমতী ভগবতী সমা ;

পুত্ৰ গৰ্বে গৰ্বিণি আমি ;

কিসেৰ অভাব মোৰ ?

তবু হের জননী আমার,  
 ভাগাহীনা কেবা আমা সম ?  
 সুদীর্ঘ দ্বাদশ বর্ষ, কত দিন, কত মাস,  
 মনে হয় কত যুগ মাতা, দেখি নাই তাঁরে,  
 সেবি নাই চরণ কমল ।  
 নাহি জানি ব্রতভঙ্গ হবে কত দিনে ?  
 প্রভু মোর কতদিনে—

(বলিতে বলিতে কাঁদিয়া ফেলিলেন—অশ্রু ভারে বাক্য  
 বন্ধ হইয়া গেল, দিতির পদতলে মস্তক লুটাইয়া পড়িল,  
 দিতি পরম স্নেহ ভরে তাহার মস্তকে হস্ত বুলাইতে বুলাইতে  
 বলিলেন) ।

দিতি :—ওরে !

ব্যাকুলতা দিয়ে পারিবি কি রোধিতে অদৃষ্টে ?  
 বিধিনিষি অশ্রু জলে ধৌত হবে কভু ?  
 মুছে ফেল' নয়নের জল ।  
 আমি সন্ন্যাসিনি, সংসার ত্যজেছি ;  
 জগতের সুখদুঃখ মোরে,  
 স্পর্শ নাহি করে,  
 কিন্তু অশ্রুজলে তোর  
 গুরু ভারে হৃদয় কাঁদিয়া উঠে ।

(করাধু এই স্নেহস্পর্শে ও দাস্তনার স্বরে কোঁপাইতে  
 লাগিলেন )

কৈদোনা, কৈদোনা মাগো ।

করাধু :—মাগো !

কোন পাপে ছেন দশা মোর ?

জ্ঞানের উন্মেষ সঙ্গে

হেন অপরাধ কোন কভুত' করিনি মাতা

যার ফলে হেন শাস্তি আমারে লিখন ।

দিত্তি :—পাগলিনি !

নাহি হোস্ উতলা জননি ।

শাস্তি কারে বল ?

বিধাতার অলংঘ্য নিয়ম, অতি সূক্ষ্ম বিচার তাঁহার  
মানবের বোধের অতীত ।

কিন্তু জেন স্থির

বিধি তাঁর চির সত্যময়, অভ্রান্ত, নিশ্চিত ।

কর্মশ্রোতে ভাসমান জীব,

একদণ্ড কর্মছাড়া নহে ।

কোন্ কর্মে কোন্ ফল লভে,

সাধা নাই করিতে নির্ণয় ।

কবে কোন্ জনমের কোন কর্মফলে

ফুটিয়াছ তুমি, ফুটিয়াছি আমি,

ক্ষুদ্র, অতি ক্ষুদ্র বৃদবৃদের প্রায়,

সে প্রশ্নের কভু নাহি হবে সমাধান ।

জন্ম শুধু খণ্ডিবারে কর্মের প্রবাহ ।

এই তোর কাতরতা, ব্যাকুল ক্রন্দন

এও' এক কর্মের সূচনা ।

কল্পাধু :—(পরম আশ্বস্তভরে)

তুমি থাক থাক মোর পাশে,

পায়ে ধরি করি অনুরোধ ।

আমি যে পারি না মাতা



আপনারে শাস্ত করিবারে ।

কেহ নাই, কেহ নাই মোর শুনাইতে শাস্তির বচন ।

মধুমাখা বাণী তব বড় শাস্তি দিতেছে আমারে ।

তুমি থাক, যেও না মা সন্তানে ঠেলিয়া ।

দিতি :—কোথা যাব জননি আমার ?

তপ জপ সাধনা আমার, তোরা যে আমার সব ।

দূরে থাকি, সেও শুধু তোদেরি লাগিয়া,

একদণ্ড অত্যাচার নাই,

শুধু করি তোদেরি মা মঙ্গল কামনা ।

আমি যে মা নিজহস্তে

নিজ পাপে রচিয়াছি অদৃষ্ট তোদের ।

(কন্যাধু ক্রোড় হইতে মস্তক তুলিয়া বিস্মিত কণ্ঠে  
কহিলেন )

কন্যাধু :—একি বল মাতা ?

দিতি :—বলিবারে যাই যদি, কণ্ঠরোধ হয় ।

স্মরিতে সে কথা আমি,—

না-না-না

বড় লজ্জা! ঘৃণা হয় আপনার পরে ।

কন্যাধু :—(অস্তির হইয়া )

মাগো ! উন্মাদ কি করিবি আমারে ?

দিতি :—শোন্ তবে মাতা ।

আমার সে পাপের কাহিনী, গোপন ব্যরতা

বলি তোরে আজ ।

ত্রিভুবনে কেহ নাই জানে, জানিবে না কেহ ।

কিছু মাতা, পারিবি কি ক্ষমিতে আমারে ?

পাপীয়সি নিরাজ্ঞা জননী তোর,  
পাপে তার দানব সংসার খানে চারখার ।  
অহুতাপে জলে যান্ন হিরা,  
সে জ্বালান্ন শক্তির প্রলেপ দিতে  
সংসার তেয়াগি আমি করিরাছি তপস্তা সম্বল ,  
যদি, যদি কোনমতে, এককণা কুপাভিক্স পাক্ত ।  
উঃ ! মিদারুণ অভিশাপ !  
সে কি বার্থ হবে ?

কঙ্কাদু :—(বিহ্বলভাবে)

অভিশাপ ? অভিশাপ !  
কাঁপে সৰ্ক কান্ন, ঘুরিছে মস্তক ।  
মাগো ! জ্ঞান বৃষ্টি রহেনা আমার ।

দিতি :—তব্ব কি মা জননি আমার ?

ভাক্ নারায়ণে, নিশিদিম স্বপ্ন জাগরণে ।  
ঝড়ঝঞ্ঝা কেটে বাবে কুপান্ন তাঁহার ।  
তিনি যে মা বিপদ ভঞ্জন,  
ভাক্, ভাক্ সেই জনৈ ।

কঙ্কাদু :—জানো না মা অদৃষ্টের পবিহাস কথা ।

কী দারুণ অভিমান হৃদয়ে লইরা,  
সজ্জান তোমার গিন্নাছেন তপস্যার লাগি ।  
যারে তুমি কহ নারায়ণ,  
হৃন্দ তাঁরি সনে ;  
তাঁরই সনে শক্তির পরীক্ষা দিতে, ...  
জান না জননি তুমি ।

দিতি :—সব জানি মাতা, সে যে সজ্জান আমার ।

তাইত' রে বারে বারে বলি,  
 অন্তরের সর্ব শক্তি দিয়ে—ডাক সেই জনে ।  
 দেখি, তোর পূণ্যবলে যদি বিধি হ্নু অমুকুল ;  
 উঃ ! সেই সন্ধ্যা গাঢ়তমা,  
 সেই লজ্জা, সেই অভিশাপ,  
 গাঢ় হতে গাঢ়তর হসে আসে  
 জীবনে আমার, জীবনে তোমার ।

করাধু :—জননি গো ! থাক সে কাহিনী ।  
 দিতি :—না-না-না ! বলিতে হইবে মোরে ।  
 প্রায়শ্চিত্ত বড় প্রয়োজন !  
 নিজমুখে উচ্চারিতে... ..

(শক্তি সঞ্চয়ের জন্তই যেন ক্ষণেক স্তব্ধ রহিয়া পরে  
 বলিলেন, কণ্ঠ প্রায় স্বাভাবিক, যদিও অন্তরে পূর্ণমাত্রায়  
 চাঞ্চল্যের ভাব)

শোন পূণ্যবতী !  
 দক্ষের হুহিতা আমি ।  
 ত্রয়োদশ সহোদরা মোরা,  
 অঙ্গিলাম বরমালা মহার্ঘ কশ্যপে,  
 নররূপে নারায়ণ তিনি ।

করাধু—সে কথা মা ভুবন বিদিত ।  
 দিতি :—সত্যই ভুবনে বিদিত তাহা ;  
 কিন্তু অবিদিত যাহা ?

(স্তব্ধ ভাবে কিরংক্ষণ গেল)

একদিন,—

আধার নামিতেছিল ধরাবক্ষ পরে,—

পাগীরা ফিরিতেছিল কুলার মাঝারে ।  
 অগ্নিহোত্র শালে,  
 শুক প্রকৃতির সেই নক্ষিত্রণে  
 মহর্ষি ছিলেন মগ্ন ধ্যানের আনন্দে ।  
 পাণীয়সি নিলজ্জা কামিনী আমি,  
 বিবশা, বিহ্বলা,  
 ঘাটিনাম স্বামিসঙ্গ লংঘিতা নিয়ম ।  
 ফলে তার,  
 জানো মাতা ফলে তার—  
 (কাঁপিতে লাগিলেন)

করাধু :—আজ থাক জননী আমার ।  
 পরিশ্রান্ত তুমি ।  
 সন্ত কোন ক্ষণে—

দিত্তি :—না-না-এইক্ষণে-এইক্ষণে ।  
 নহে হারাবো সাহস, হারাবো—  
 আমারে কমিও মাতা ;  
 বারংবার অকুরোধে, পতিধর্ম রক্ষা হেতু  
 অত্যাশ্র আত্মানে মোর স্বমিবর দিলেন উদয় ।  
 ওরে ! স্তব্ধ কর, ঘণা কর মোরে ।  
 (কপালে করাঘাত করিয়া কাঁপিতে লাগিলেন)

করাধু :—মাগো ! শাস্ত হও তুমি ।  
 কিবা কাজ টানিয়া অতীতে ?

দিত্তি :—(উত্তেজিত ভাবে)  
 নহে সে অতীত ।  
 তারি ফলে বর্তমান कहিছে কাহিনী ।

নিয়মের ব্যক্তিচারে

অন্তর মথিয়া তাঁর হলাহল সম

উঠিল যে অভিশাপ কথা,

সেই কথা শোনাবো তোমারে ।

শাস্ত স্বরে ঋষিশ্রেষ্ঠ কহিলেন মোরে,

“মূঢ়ে ! বড় হুঃখ অভদ্র স্বরূপ হুই

অধম সন্তান তব জন্মিবে উদরে ।

দেবদেবী, অত্যাচারী, সংশয়াত্মা ক্রুর,

বংশের কালিমা ছুটি পুত্ররূপে লভিবে আকার ।

বলদৃপ্ত অভিমানী,

মৃত্যুরে টানিয়া লবে নিজ নিজ পাপে ।”

কন্যাধু :—মা ! মা !

(উচ্চরোলে কাঁদিয়া উঠিলেন)

দিতি :—আরো আছে ।

গুনাবো তোমারে মাতা আনন্দ বারতা ।

গুনিয়াছ অভিশাপ কথা, এইবার আনন্দ সংবাদ ।

অনাগত সন্তানের বাৎসল্যে পুরিতা,

ঋষির চরণ ধরি লভেছি যে আশীষ বচন,

সেই কথা,—

মনে পড়ে, ব্যথার মাঝারে মোর আনন্দ উৎসব ।

বর দিলা ঋষি,

পৌত্র মোর ভক্তির বাঁধনে বাঁধিবে মাথবে ।

তারি পূণ্যবলে, অভাগ্য তনয় মম,

অস্তিমে বিষ্ণুর নামে ত্যজিয়া পরাণ

পাবে বিষ্ণুলোক ।

যদনার মরুভূমে বারিবিন্দু সম  
এইটুকু ধরে আছি বন্ধের মাঝারে  
অতি সংগোপনে, অতি সযতনে ।

কবীধ্বজ :- (বিস্মিত কণ্ঠে)

ধাধির বচন প্রতিবর্ণে সত্য গো জননি !  
দেখনি প্রসাদে তুমি ;  
স্বরগ হইতে নামিমা এসেছে এক অমৃতের খনি ;  
তারে তুমি দেখনি জননি ।

দ্বিতী :- (অতি দ্রুতভাবে) না-না-দেখিবা না আমি ।

ওরে ! অঞ্চলের নিধি তোর,  
অঞ্চলে ঢাকিয়া রাখ ;  
আমার দৃষ্টির পথে কভু নাহি আসে,  
বাবে সে শুকাবে ;  
প্রফুল্ল প্রস্থান অকালে ঝরিয়া বাবে ।  
আমি বাই,—বাই আমি ।  
ডাক্ নারায়ণে ,  
প্রাণভরে শুধু ডাক্ সেই জনে ।  
সেই পারে, একমাত্র সেই পারে,  
যদি ইচ্ছা করে ;  
আমি বাই—বাই আমি ।

(উদজ্ঞাত ভাবে প্রস্থান । কবীধ্বজ বহুক্ষণ শুষ্কিতঃ মন  
ধাঁড়ানিয়া রহিলেন, পরে যুক্তকরে কহিলেন ।)

কবীধ্বজ :- নারায়ণ ! শ্রীমধুসূদন !

আমাদের রক্ষা কর প্রভু !  
ফিরাইয়া দাও দেব স্বামীরে আমার ।

(দূরে গান শোনা গেল । প্রহ্লাদের কণ্ঠ)

আসিছে প্রহ্লাদ !

আহা হা ! মধুমাখা সুরে গাহে মধুগান ।

প্রহ্লাদে হেরিয়া চোখে,

গুলি তার মধুমাখা কথা,

চিত্ত তাঁর শান্ত হবে নাকি ?

নারায়ণ ! নারায়ণ ! কি বলিব তোমা ?

অস্তরের কোন্ কথা নাহি জান তুমি ?

(গীতকণ্ঠে প্রহ্লাদের প্রবেশ)

হরি, গান গেয়ে যাই প্রাণ ভরে ।

নামের সেরা নাম পেয়েছি বোল হরি বোল বোল ধরে ।

এমন মধুর নাম, গাইতে অবিরাম

নিতুই নব রসের ধারা বইছে আমার অস্তরে

বোল হরিবোল বোল ধরে ॥

(গীতান্তে কল্লাব প্রহ্লাদকে বুকে চাপিয়া ধরিয়া  
বলিলেন)

কল্লাব :— প্রহ্লাদ ! বাছার আমার !

কে শিখালো হরিনাম তোরে ?

ছাঁড় সঙ্গিগণে, আসি এ নির্জনে

হরিনাম গানে মত্ত আত্মহারা কেন ?

তুই রাজার কুমার, দানবের আনন্দপুতলী শিশু

কে দিলে মধুকণ্ঠে তোর মধুর এ হরিনামধ্বনি ?

প্রহ্লাদ :—মাগো !

হরিনাম বিনা ভিলমাত্র স্থির হতে নারি ।

তজ্রাবশে শুনি হরিনাম,  
জাগরণে শুনি হরিনাম,  
সুস্থি মাঝে শুনি হরিনাম,  
দিবানিশি তাই আমি গাই সেই নাম ॥  
খেলা মোর ভালো নাহি লাগে;  
হরি সাথী মোর, হরি বন্ধু মোর,  
হরি মোর প্রাণের দোসর ।  
শোন মা, কেমন লিখেছি গান !

( গীত )

ওগো আমার প্রাণের হরি !  
দাশুনা তোমার চরণ ভরী ।  
দিবানিশি তোমায় ডাকি,  
তোমাতে হৃদয়ে রাখি,  
যে দিকে ফিরাই আঁখি  
তোমারি মুরতি হেরি ।

করাধু :—শিগুহুদে একি ভাবাবেশ ?  
রোমাঞ্চিত হর কলবর ।  
অনে পড়ে আজি সেই দেবর্ষি বচন  
'মহাভক্ত জন্ম নেছে উদরে তোমার'—

প্রহ্লাদ :—মাগো ! চিন্তাকুল কেন ?  
সব চিন্তা দূরে যার  
স্মরিলে মা মোর চিন্তামনি ।  
আর মাগো, গাই সেই ত্রীহরির নাম,



সব চিন্তা দূরে যাবে, পাব শান্তিধাম ।

কাঁদিস্ কেন মা ?

সব দুঃখ সব জালা জানাবো তাহারে ,

সে যে মোর কত কথা শোনে,

কত সে আদর করে মোরে ।

আমি কাঁদি, সে কাঁদে মোর সনে,

আমি গাউ, সে গায় মোর সনে

আমি হাসি, মাগো ! সে হাসে মোঃ সনে

তুই কেন কাঁদিস্ জননি ?

কন্নাধু :—প্রহ্লাদ ! বাপ !

হলো বহুদিন,

পিতা তব তপস্যার লাগি গেছেন মন্দিরে ;

সংবাদ না পাইয়া তাঁহার—

প্রহ্লাদ :—ঠিক ত মা !

কতবার জিজ্ঞাসা করেছি তারে,

দেয় না উত্তর,

ভুলাইয়া রাখে মোরে কথার কোশলে :

হাসে শুধু, বৃহৎ বৃহৎ, দেয় না উত্তর !

আজ তারে শুধাবো জননী ;

না দেয় উত্তর যদি,

কথা নাহি কব তার সনে ;

সে জানে, বলে নাক' মোরে ।

কন্নাধু :—(স্বগত) শিশুকণ্ঠে একি কথা শুনি ?

সখা সম সাথে সাথে করেন শ্রীহরি ?

সত্য কি ঘটনা ?

কিঞ্চিৎ হখে ভূতপ্রস্ত হইছে বালক ?

( প্রাঙ্গণ দূরে যেন কি লক্ষ্য করিয়া বলিলেন )

পদ্মাদি :—দাঁড়া মা এখানে, এখনি আসিব ফিরে ।

ঐ দেখ্ কুঞ্জবনে এসেছেন হরি,

ডাকেন ইচ্ছিত মোরে ।

ভুলিব না কথা,

নিশ্চয় শুধাবো আচ্ছি পিতার বারশ ।

যদি সে ভুলাতে চায়, কড় না ভুলিব ;

স্বাক্ষর হার তার ছলে ভুলিব না মাতা ।

নে গিৎ ন গিৎ ১ হিতে গাহিত প্রস্তান )

( গীত )

আজ ভাঙবো তোমার লুকোচুরি

খেলবো নৃতন খেলা হরি ।

আমি নইতো তেমন ছেলে,

ভুলবো তোমার কথার ছলে,

মা আমার যে নয়ন জলে

ডিঁড়ে দেছে প্রাণের ডুরি ।

করাধ :—অঙ্কত ঘটনা !

শিশুবাক্য শুনি শিহরে পরাণ ।

দৈত্যপু্রে কেহ নাহি নয় হরিনাম,

তবে এ অপূর্ব কথা

কোথা হতে শিখিল বালক ?

বলে, হরি আসি দেখা দেন তারে,

করেন যতন, খেলা দেন আদরে কৌতুকে !

চলে গেল কুণ্ডলন পানে,

কাহার সংকেত লভি যেন ;

একি এ অদ্ভুত কথা—

(পশ্চাদিক হইতে হিরণ্যকশিপুর প্রবেশ, এখনও তাঁহার সেই যোগী বেশ )

হিরণ্য :—রাজেক্ষাণী !

(করাধু চমকিয়া উঠিলেন, ত্রস্তে ফিরিয়া কহিলেন )

করাধু :—কে ?

হিরণ্য :—দেখ দেখি, পার কি চিনিতে ?

করাধু :—মহারাজ ? (স্বরে বিস্ময়, আনন্দ, সংশয়)

হিরণ্য :—চিনিয়াছ ?

করাধু :—সত্য ? কিম্বা স্বপনের ছায়া হেরি নম্রনে আমার ?

[চক্ষু মুদ্রিত করিয়া ফেলিলেন]

হিরণ্য :—নহেক' স্বপন প্রিয়ে, দেখ আখি মেলি ।

করাধু :—নাথ ! নাথ !

[পড়িয়া যাইতে হিরণ্যকশিপু ধরিয়া ফেলিলেন]

হিরণ্য :—বিবশা হয়োনা প্রিয়ে ।

পূর্ণ মনস্কাম আমি আসিয়াছি ফিরে ।

তপে তুষ্ট দেব প্রজাপতি,

প্রকারে অমর মোরে করেছেন বিধি ;

বহুদিন পরে, হারানিধি পেয়েছি তোমায় ;

কতকাল, হলো কতকাল—

[করতালি দিয়া নাচিতে নাচিতে প্রজ্ঞাদের প্রবেশ]

প্রজ্ঞাদ :—মাগো ! পেয়েছি সন্ধান ।

বলিল সে—

[সহসা হিরণ্যকশিপুৱ দিকে দৃষ্টি পড়িতেই বালক খতমত থাইয়া গেল, আর বাক্য ফুটিল না। হিরণ্যকশিপু পরম স্নেহভরে বালককে দেখিয়া কন্নাধুকে প্রশ্ন করিলেন]

হিরণ্য :—কে এ বালক প্রিয়ে ?

কুক্ষিত অলকগুচ্ছ ঢুলায়ে ঢুলায়ে,  
নাচিতে নাচিতে, হাসিতে হাসিতে,  
মা ব'লে আসিতে,  
সহসা নীরব হলো আমারে দেখিয়া ?  
ইচ্ছা করে, বড় ইচ্ছা করে,  
বাহুতে বাঁধিয়া চুষন লেশিয়া দিই  
ওই ছুটি স্নকুমার গালে।

কন্নাধু :—সন্তান তোমার, পুত্র আমাদের,

প্রহ্লাদ রেখেছি নাম।

[কন্নাধু বলিতে বলিতে প্রায় কাঁদিয়া ফেলিলেন।  
হিরণ্যকশিপু আনন্দাতিশয়ো প্রহ্লাদকে বুকে তুলিয়া লইয়া  
ঘন ঘন চুষনে অভিযুক্ত করিলেন]

হিরণ্য :—প্রহ্লাদ ! প্রহ্লাদই বটে তুই।

আম্ন, আম্ন বুকে আম্ন,

আমি তোৱ, আমি তোৱ—

প্রহ্লাদ :—পিতা !

হিরণ্য :—আর একবার, আর একবার বল্ৱে বালক ;

সমস্ত ইন্দ্ৰিয় দিয়ৱে শুনে লই তোৱ ঐ

শিশুকণ্ঠে পিতা ব'লে ডাক্।

প্রহ্লাদ :—পিতা ! পিতা।

হিরণ্য :—রাণি ! রাণি !

অমৃতের খনি হ'তে সুধাপাত্র লয়ে  
ধরিয়াছ অধরে আমার ,  
পান করি বিমোহিত প্রাণ, তৃপ্ত জনমান !  
এত শাস্তি শাস্তিময়ী  
মোর তরে রেখেছিলে তুলে !  
কি কব তোমাতে !  
করি আশীর্বাদ সুখী হও তুমি ।

করাণী :—ঐ ক্ষুদ্র মুখখানি হেরি

ভুলেছিলাম বিরহ তোমার ।  
চলে গেলে তুমি,  
তারপরে দীর্ঘ চারি মাস,  
কী বে বাথা, কি বেদনা নাথ !  
সত্য কহি, মানো মাঝে মৃত্যুইচ্ছা জাগিত আমারে;  
উপায় ছিল না, গর্ভে মোর বংশের তুলান ।  
তারপর ঐ চাঁদে পাইলাম বেদিন,  
সেই দিন হতে দুঃখেতে বিদায় দিছি—

প্রজ্ঞাদ :—সব মিথ্যা পিতা ;

মা আমার কাদিত কেবলি স্মরি তব কথা ;  
আজ তাই শুধায় তাহারে তোমার বারত ।  
সে আমারে বলিল হাসিয়া,  
'বা তোর আসিয়াছে পিতা' ।  
তাইত' ছুটিয়া এলু হেথা ।  
দেখিয়াছ মাতা, আজ আর ভুলি নাই কথা ।  
সখা মোর—

হিরণ্য :—(সম্মেহে) কে তোমার সখা প্রিয়তম ?

প্রহ্লাদ :— কেন হরি সখা আমার !

[অগ্নিবান ও এত বহুগাণাসক নয়, এই ভাবে হিরণ্যাকশিপু প্রহ্লাদকে ক্রোড় হইতে নামাইয়া দিতেই, কর্ণাধু ছুটিয়া আসিয়া প্রহ্লাদের মস্তকে হস্ত দিয়া বলিলেন]

কর্ণাধু :—নাহি জানি বাচা মোর নিরাময় হবে কতদিনে !

আসিয়াছ তুমি,

এইবার যজ্ঞ কর প্রভু প্রহ্লাদের বাধি নিবারিতে ।

কিছুদিন হতে, নাহি জানি কি হয়েছে তার—

হিরণ্য :—(গভীর স্বরে) আমি জানি রাগি ।

কর্ণাধু :—(বিস্ময়ে) তুমি !

হিরণ্য :—জানি আমি রাগি, কি হয়েছে তার ;

আরও জানি, কি হবে তাহার ।

আমারে বিস্মিত নেত্রে নেহার কি রাগি ?

বুঝিছ না, দেখিছ না,

বিজয় গৌরব শিরে মোর পরাজয় লেখা !

কর্ণাধু :—কি কহিছ প্রভু ?

হিরণ্য :—মূর্তি ধরি মমতা এসেছে রণ দিতে মোর গর্ভ মনে !

অপূর্ব কোশল, অদ্ভুত চাতুরী !

আমি জানি, আমি পারি,

সে কোশল, সে চাতুরীর কণ্ঠ রোধিবারে ।

হায় অভাগিনি !

বিকল হতেছি শুধু ভাবি তোর কথা ;

নিদাক্ষণ বাথা পারিবি কি আকণ্ঠ করিতে পান !

[ হিরণ্যাকশিপু উত্তেজনা ভরে পাদচারণা করিতে

লাগিলেন, কন্নাধু নিশ্চল, প্রহ্লাদ বিস্মিত, অগাধে ক'শিপু  
পুনবায় আরম্ভ করিলেন ]

মনে পড়ে

ধাতার সে আশীর্বাদ অভিশাপ বাণী ।

রাগি ! বিস্মিত হইয়া হইয়া বাকুল ।

বর লভি জিজ্ঞাসিহু যবে,

‘কবে অরি মিলিবে হে প্রভু ;’

হাসি উত্তরিল ধাতা,

‘ফিরে যাও আপন আলয়ে

নিরন্তর রহন্ত হেরিতে’ ।

স্বপনেও ভাবিনি কখনও,

সে রহন্ত এমনি করুণ, এত মমভেদী ।

[ কন্নাধু সব কিছু না বুঝিলেও, একটা হুমজাল  
আভাষ পাঠিয়া কাঁদিয়া উঠিলেন ]

কৈদোনা, কৈদোনা রাগি ।

এখনও ত’ রোদনের হয়নি সময়,

অথবা রোদন তব

বেদনের দ্বার লভি হবে নির্যাপিত ।

প্রহ্লাদ :—(সান্তিমানে) কেন বাবা, মাগ্নে কাদাও ?

মা’র চোখে জল দেখি,

আমারও যে আসে চোখে জল ।

হিরণ্য :—(কুদ্ধকণ্ঠে) ওরে, নাহি এত বল,

ছল ছল চক্ষু হেরি রহিব অটল ।

প্রহ্লাদ :—কিছুই বুঝি না গিতা ।

হিরণ্য :—বুঝিবি না, বুঝিবি না শিশু !

আর বক্ষে মোর,

নয়নের মণি তুই দেহের শোণিত ।

প্রহ্লাদ ! প্রহ্লাদ !

(একে লইয়া ঘন ঘন চুপন করিতে লাগিলেন ; পরে  
মুস পক্ষ হইতে নামাইয়া দিলেন)

না-না, মিথ্যা, মিথ্যা সব !

কর্তব্য কঠোর, পণ মর্মভাস্বা ।

প্রহ্লাদ ! মন দিয়া শোন মোর কথা ।

প্রহ্লাদ :—বল, বল পিতা !

হিরণ্য :—জন্ম তব দানবের কুলে ;

সখা বলি যারে তুমি ভাব মনে মনে,

দানবের মহাবৈরী দেই ।

প্রহ্লাদ :—(বিস্ময়ে) পিতা !

হিরণ্য :—শোন ইতিহাস ।

হিরণ্যাক্ষ ভ্রাতা মোর, পিতৃব্য ভোমার,

দানবের গৌরব মুকুট,

ছিলে তারে বধিয়াছে হরি ।

প্রহ্লাদ—একি বল পিতা ?

হিরণ্য :—শোন তারপর । বিষ্ণুবধ পণ লবে

এতদিন করিয়াছি সুহৃৎর তপ ;

কভু অনশন, কভু অশাশন,

গুরুপত্রে জীবন ধারণ ;

হিম গ্রীষ্ম বর্ষা নাহি জ্ঞান,

অবিরাম ধ্যান বিষ্ণুর নিধন,

দানবের প্রতিজ্ঞা পালন ।



(বলিতে বলিতে ক্রোধে কাঁপিতে লাগিলেন)

করাধু :—শাস্ত হও প্রভু ।

হিরণ্য :—আছি শাস্ত আমি ।

হরিণাম দানবের পুরে নহে শুধু অপরাধ,  
মহাপাপ তাহা ।

নহে পিতার আকুতি,  
রাজার নির্দেশ বলি মনে রেখো সদা  
'হরিণাম যেরা লবে মোর রাজ্যনাথে,  
শাস্তি তার প্রাণদণ্ড ।'

করাধু :—(সচকিতে) প্রভু !

হিরণ্য :—হাঁ, প্রাণদণ্ড !

যাতকের তীক্ষ্ণ অস্ত্রমুখে জীবনের লীলা অবসান

(করাধু কাঁদিতে লাগিলেন)

প্রহ্লাদ :—কেন কাঁদ মাগো ?

হরিভক্ত ম র কি কখনও ?

পিতা ! নাহি জানি কেন ত্রাস্তি আসে ?

হরি কভু অরি নহে কারও ।

হরিণামে পেয়েছি জীবন, হরিণামে জীবন ধারণ

হিরণ্য :—(স্বোষে অধীর হইয়া উচ্চৈঃস্বরে)

সেই হরিণামে তোমার নিধন ।

প্রহ্লাদ :—ইচ্ছা যদি করেন শ্রীহরি,

তঁার নাম গাহি হৃদিস্থে দিব বিসর্জন ।

পিতা ! কর ক্ষমা,

কর ক্ষমা অজ্ঞান এ সন্তানে তোমার ।

জন্ম হতে পিতৃপদ হেরিনি কখনও,

রাতুল চরণে তব পুষ্পাজলি দিই নাই কভু :  
আজি এই আনন্দের দিনে,  
কর স্নিগ্ধ, স্নিগ্ধ কর নয়ন ভোমার ।

হিরণ্য :—দানব বংশের রীতি,  
শত্রুশিরে আসির প্রহার ।  
নহে পুষ্পাজলি দানে,  
উত্তম শোনিতে তার করিতে তর্পণ ।

প্রহ্লাদ :—পিতা ! কোন মতে মনে নাহি আসে,  
হরি অরি হয় কভু ।

হিরণ্য :—মনে রেখো, দানব সন্তান তুমি ।

প্রহ্লাদ :—জানি পিতা !

কিন্তু হরিনামে দানবের বাধা কিবা আছে !  
হরি করুণার মায়, ভব পারাবার  
করিতে উদ্ধার, ভক্তজুড়ে করেন বিহার ।  
মিতা নিরঞ্জন, বিভূ সনাতন—  
অমর, অমর হরি ;  
নিরুপ, নিগুণ, গায় সর্বজন,  
কেমনে হইবে অরি ?

হিরণ্য :—রাগি !

নিবার সন্তানে তব যদি সাধা থাকে ।  
এ বিপুল পরাজয়, পুত্রবৃথে অরি গুণগাহ,  
আর আমি সহিতে না পারি ।  
প্রহ্লাদ ! শেষ কথা মোর ;  
চাহ যদি আপন মঙ্গল,  
জননীয়ে অগ্রনীরে না চাহ ভাসাতে,

পাপ নাম ওই—নাহি (বন শুনি তব মুখে ।

প্রহ্লাদ :—পিতা !

হিরণ্য :—কোন কথা নয় ।

হরিনাম উচ্চারণ আগে,

সর্বদা স্মরণ রেখো যাতকের শানিত রূপাণ ।

রাগি ! চলিলাম আমি ।

পার যদি বিষধর সর্পে তব কর বিষত্বান ।

নহে জান তুমি মোরে ;

কোন বাধা পারিবে না,

সেহ নয়, গায়া নয়, নারিবে মমতা ।

(প্রস্থান । তাঁহার গমন পথের দিকে কয়াধু ও প্রহ্লাদ  
কিন্নরগণ তাকাইয়া রছিলেন । পরে অশ্রুবদ্ধ কর্ণে কয়াধু  
বলিলেন)

কয়াধু :—প্রহ্লাদ ! বাপ !

প্রহ্লাদ :—কেন মাগো ?

কয়াধু :—জননীর অনুরোধ—

প্রহ্লাদ :—বল তোর আদেশ জননি ।

বাথা যদি দিই তোরে, কষিবেন হরি ।

কয়াধু :—ওরে এ দানবের পুরী,

হরি নামে হারাবি জীবন ?

প্রহ্লাদ :—এমন পাগল তুই মাতা ?

হরিনামে হারাবো জীবন !

সখা বলে,

‘হরিনাম বলে, যাব কুতূহলে অমর প্রেমের ধাম,

দূরে যাব ভয়, প্রেমের উদয় এমন মধুর নাম ।’

কেন তুই ভাবিস জননি ?

নীরবে গোপনে আমার পরাণে

যে জন দিয়াছে তুনি,

হরিণাম গান, হরিণাম ধ্যান

কেননে তাহারে ভুলি ?

শোন্ মাগো শ্রীহরির নাম ।

চিন্তা যাবে দূরে, মিলিবে অচিরে শান্তির সুরধাম ।

( প্রহ্লাদের গীত )

কিসের ভয়ে ভুলবো তোমার অমন মধুর নাম ?

যখন, অভয় চরণ ধরে আছি ওগো গুণধাম !

নাম যে তোমার ব্যথাহারী

বিপদ বত হোক না ভারী

মনের সুখে গাইবো হরি বোল হরিবোল নাম ।

( গাহিতে গাহিতে ধূলান্ন গড়াগড়ি । কন্যাপুরে চোখে

জল, ধূল্যবলুণ্ডিত প্রহ্লাদকে তিনি বুকে লইয়া বসিলেন )

কন্যাধু :—প্রহ্লাদ ! বাপ্ ।

প্রহ্লাদ :—মাগো !

এসেছিল, এসেছিল হরি ।

কোথায় মিলালো ? কেন চলে গেল ?

এলো যদি, চলে গেল কেন ?

অামিত' অামিত' বলিনি কিছু ।

তবে কেন ? চলে গেল কেন ?

(ভাবাবেশে আর কথা সরিল না, ফুঁপাইয়া কাদিতে লাগিলেন)

করাধু :—প্রহ্লাদ !

পাগল কি হলি তুই ? কোথা হরি তোর ?

(প্রহ্লাদ এদিক ওদিক চাহিয়া কাহাকেও দেখিতে  
না পাইয়া উদাস করণ স্বরে বলিলেন)

প্রহ্লাদ :—সত্য কি মা হরিনামে পাগল হয়েছি আমি ?

এই যে দেখিলু, সখা মোর দাঁড়ায়ে এখানে ।

মুহু মুহু হাসি, অধরেতে বাঁশী

বাজাইছে আসি আমার গানের সনে !

কোথা গেল, কোথা গেল মাগো ?

(আকুলি বিকুলি করিয়া এদিক ওদিক তাকাইতে  
লাগিলেন, সহসা মাটির দিকে স্থির দৃষ্টি, কি যেন দেখিতে  
পাইয়া ভাবাকুল হইয়া ক্রন্দনের স্বরে বলিয়া উঠিলেন)

মাগো ! চেয়ে দেখ্, চেয়ে দেখ্,

স্বপ্ন নয়, মিথ্যা নয়, নহে অন্তর্মান ।

দেখ্ দেখ্—এই ধূলিপরে কার পদরেখা !

(করাধু হেঁট হইয়া দেখিলেন । বিস্ময়, রোমাঞ্চ, অশ্রু,  
কম্প প্রভৃতি ভাবের বিকাশ ; পরে গদগদ স্বরে বলিলেন)

করাধু :—মরি, মরি !

কি হেরি, কি হেরি ? নহেত' চাতুরী !

আপনি শ্রীহরি, তন্তুকণ্ঠে শুনি স্বীয় নামধ্বনি,

বালকেরে দিলা দরশন ;

মোর তরে পদ রেখা ধ্বজ বজ্রাকুশ লেখা,

অভাগীয়ে এত দয়া প্রভু !

প্রহ্লাদ :—(ভাবাবেগে) হরিবোল ! হরিবোল !

( কন্যাপু আপনাকে হারাইয়া ফেলিয়া নহা আবেগ ভরে  
পদ্মাদের সুরে সুর মিলিঠিয়া ধ্বনি তুলি'লন )

বন্দ্যাপু :—হরিণোল ! হরিণোল !

প্রহ্লাদ ! বাপ্পে আনার !

ঝড় থেমে গেছে, কেটে গেছে মেঘ ।

প্রলয় তাণ্ডব তুলি রাজরোষ আশ্রুক নবনে ;

দানবের ক্রোধবহি

উন্নত গর্জন সহ উঠুক জলিয়া,

বুকে লয়ে তোরে, হবিনাম গাব' শুধু মুখে ।

খাব দূর বনে, গহন বিপিনে,

নাঁরবে নির্জনে, গাব' তোর সনে,

নামায়িত পানে রহিব বিভোর ।

( প্রহ্লাদ মানের আনন্দে গান ধরিলেন )

আজ, মিল্লো হরির চরণ রেখা,

মাটির পরে ফুটলো লেখা ।

নায়ের আমার চোখের দেখা

নয়ত' আমার মনের ভুল ।

যাবে বনে ঝায়ের সনে,

গাইবো হরিনাম দুজনে,

দেব হরির শ্রীচরণে কুড়িয়ে এনে বনফুল ।

( গাহিতে গাহিতে ঝায়ের হাত ধরিয়া প্রস্থান, উভয়ের  
বদন স্বর্ণীয় জ্যোতিঃতে দীপ্যমান )

## তৃতীয় দৃশ্য

দৃশ্য সংকেত :—হরিভক্ত সনাতনের আশ্রম সংলগ্ন কুটির  
প্রাঙ্গণ ।

ভক্তবৃন্দ (বালক, বৃদ্ধ, যুবা) নাচিতেছিল, গাহিতেছিল ।  
অতি বৃদ্ধ সনাতন স্থানুমূর্তির হার বসিয়া শুনিতেছিলেন ।  
সনাতনের প্রিয়তম শিষ্য ভোলানাথ (প্রৌঢ়) মহানন্দে মধ্যে  
মধ্যে ভক্তদের নৃত্য ও গীতে যোগ দিতেছিলেন ।

আজ, হরির নামে গুরুর পায়ে দিব ফুলের ডালি ।

ও সে, গুরু হরি একই কথা নামের তফাৎ খালি ।

মোরা, দিব গুরুর শ্রীচরণে

প্রেম, কুসুমরাশি সমতনে

আর, আরতি করিব স্তখে প্রেমের প্রদীপ জ্বালি ॥

( গীতান্তে সকলে চলিয়া গেলে ভোলানাথ সনাতনের  
আসন সন্নিধানে আসিলেন । সনাতন যেন সচেতন হইয়া  
সম্মুখে ভোলানাথকে দেখিয়া বলিলেন । )

সনা :—বাবা ভোলানাথ !

ভোলা :—আজ্ঞে প্রভু !

সনা :—দেখ বাবা, তোমার ঐ ভক্তির পরিধিটি একটু  
ক্ষুদ্রকায় কর্তে হচ্ছে ; নতুবা...

ভোলা :—নতুবা কি প্রভু

সনা :—নতুবা এই বৃদ্ধ বয়সে অবশেষে ভক্তির শেফল  
মুক্তিতে এসে অবস্থিত হবার সমূহ সম্ভাবনা ।

ভোলা :—(বিস্মিত হইয়া) প্রভু !

সনা :—না-না, প্রভু নয়, প্রভু নয়। ঐ শব্দোচ্চারণে তোমার এবং আমার উভয়েরই অকালমৃত্যু লাভ হতে পারে ; তাতে তোমার বা আমার কিছু চতুর্ভুজ-কল লাভ হবে না বাবা।

ভোলা :—(সমধিক বিস্ময়ে) অজ্ঞে কি বলছেন প্রভু ?

(সনাতন সামান্য একটু বিরক্তির ভাণ করিয়া সামান্য একটু উত্তেজনার সুরে বলিয়া উঠিলেন)

সনা :—আবার প্রভু ? না ! তুমিই আমার মার্কে ভোলানার্থ, তুমিই আমার মার্কে। কথার অর্থ ছন্দস্বয়ম কর্তে অপটু হয়ে আমার তুমি মার্কে। আজ তৃতীয় দিবস অতিবাহিত হতে চল্লে, তোমার অবিরাম জ্ঞাপিত কর্তে চেষ্টা করেও কৃতকার্য হলেম না। তোমার বোধশক্তির উপর আমার আস্থা আর আমি অনুগ্রহ রাখতে পারছি না বৎস।

ভোলা :—আপনি আমার বিস্মিত কচ্ছেন প্রভু ! এ রকম নূতন কথা, নূতন আচারের অর্থ—

সনা :—(কথা সমাপ্ত করিতে না দিয়া) তুমি বুঝতে পারছনা, এই ত ? ইহাতে শুধু ইহাই প্রমানিত হয় যে দৃষ্টির প্রসার তোমার অতি ক্ষুদ্র এবং বোধের বিস্তার তোমার অত্যন্ত স্বর্ককাল ও অপরিণয়। ‘অজ্ঞ’ শব্দটি শাস্ত্রকারেরা তারই উপর প্রয়োগ করেছেন, যে ব্যক্তি দেশ কাল পাত্র সমস্ত সম্বন্ধ অনুধাবন করে সমন্বিত ব্যবহার কর্তে অক্ষম।...এবং এ অক্ষমতার যে পরিমাণ মূল্য দিতে হয়, তা করুণ এবং বৃহৎ।...তোমাকে আমি যদি মূর্থ সম্বোধনে অভিহিত করি, তথাপি আমি থাকবো অজ্ঞান।...হয়ত’



ক্রোধ, হুংহু, অভিমান প্রভৃতি নানা বৃত্তি তোমার মনের উপর প্রভাব বিস্তার করে তোমায় পীড়া দিচ্ছে, আমি বুঝতে পাচ্ছি ; কিন্তু তোমার প্রাণা আমি তোমাকে দিতে দিবা কচ্ছি না, ইহাই তোমার সান্তনা ।

( ভোলানাথ গুরুর একপ বাঁকোর কোন অর্থ পাইলেন না, তবে ইহার পশ্চাতে কোন গভীর রহস্য আছে—একপ ইংগিত পাইয়া এবং যথাসময়ে গুরুমুখেই প্রকাশিত হইবে বুঝিয়া নীরবে শুনিয়া বাইতেছেন, চক্ষু মুদ্রিয়া বলিলেই হয় । সনাতন ভোলানাথকে সম্মুখে পাইয়া যেন আপন মনেই বলিয়া চলিলেন )

তুমি কি অন্ধ ? দেখতে পাচ্চিনা যে, যে কোন প্রকার ভক্তি, তা মানবের প্রতিই হোক, আর শ্রীহরির প্রতিই... না-না রাজদ্রোহ, রাজদ্রোহ ! ভক্তি শব্দের অর্থ রাজদ্রোহ তোমার হরিনাম রাজদ্রোহ ।

ভোলা :—প্রভু কি আমার পরীক্ষা কর্চেন ?

সনা :—না বাপু ! সকল পরীক্ষায় সগোরবে উত্তীর্ণ তুমি, এবার পরীক্ষা দিতে হবে আমাকে । তার পূর্বে আমার দু একটি বাণী তোমাকে দান করে ; অকুণ্ঠিত চিত্তে তোমাঙ্গ তা গ্রহণ কন্তে অনুরোধ করি । শ্রবণ কর—প্রথমতঃ আশ্রমটি, হাঁ হাঁ, আমাদের এই আশ্রমটি যাতে অস্তিত্ববিহীন হতে পারে, সে চেষ্টাটি তোমায় কর্তে হচ্ছে । \*\*\* দ্বিতীয়তঃ ভক্তিরসাত্মক কোন প্রকার বাণী বা ধ্বনি যেন আমাদিগকে স্পর্শ না করে, সন্নিহিত দৃষ্টি দিতে তোমাকে বিপুল ভাবে আহ্বান করি ।... এতাদৃশ জিজ্ঞাসু নেত্র দুটি কিঞ্চিৎ অবিস্ফারিত কর বাবা \*\*\* কথার মর্ম সময়ান্তরে তোমায়

জ্ঞাত করাবো, অসুখা কারণে বাস্তবের কথামুসারী হও, হুহাই আমার...'

ভোলা :—কবে আপনার কথার—

সনা :—(বাধা দিয়া) হও নাই, পরিজ্ঞাত আছি। তথাপি—বুঝলে বৎস, তথাপি...'

ভোলা :—প্রভু!

সনা :—(যেন মতা উত্তেজিত এইভাবে) তথাপি তুমি প্রবুদ্ধ হইলেনা? এখনও প্রভু? 'প্রভু' শব্দটি যে ভক্তিরসাত্মক, এ কথাধের বাজ্যে এখনও প্রবেশ কর্তে পার্ছিনা মূর্থ? শোন ভোলানাথ! আমি সনাতন, তোমায় সচেতন করে দিচ্ছি, তোমার ঐ সনাতন পন্থা পরিত্যাগ করে নবভাবে উদ্ভুদ্ধ হও, নবপন্থাপ্রসরণে প্রতী হও।...আমি অল্প এই শব্দবার পুনরায় তোমায় সুস্পষ্ট নির্দেশ দিতেছি; রাজার ইচ্ছা ধর্ম, সে ধর্মপালন ধর্ম, সে ধর্মপ্রচার ধর্ম। অতএব রাজা যদি এই ইচ্ছা করেন, যে তাঁর রাজ্যমধ্যে নামবিশেষ জাতির কলঙ্ক, তুমি কি সেই নামগ্রহণে নিজেকে তদ্রূপ কলংকে কলংকিত কর্তে চাও?

(ভোলানাথ এতক্ষণে গুরুত্ব অস্বীকারিত দুঃখের সুরটি যেন ধরিতে পারিছেন এবং এরূপ অভিনব পন্থায় প্রকাশের ভংগীটি দেখিয়া অত্যন্ত ভূপ্ত হইলেন: তিনি সশব্দে অথচ সমস্ত্রমে হাসিয়া ফেলিলেন, বলিলেন)...

ভোলা :—এতক্ষণে আমি আপনার বাক্যের মর্মগ্রহণে...'

সনা :—সমর্থ হলে? না বৎস! সমাগর্থ প্রতীক্ষমান হতে এখনও কথঞ্চিৎ বিলম্ব আছে। সে প্রতীতিটি হচ্ছে, অনুসন্ধান...একটা অনুসন্ধান। অবলম্বনের সূত্রে প্রথিতা একটি

প্রস্রাসের এষণা বা প্রেরণা।...কী অবলম্বনে মানবের জীবন ধারণ? রাজ্যার ঘোষণা হতে এমন কোন আদেশ বা নিয়োগের সূত্র পেয়েছ কি যে, যে নামোচ্চারণে মানব আপনাকে সবল এবং সচল রাখতে পারে?

ভোলা :—একথা ত' ঠিক?

সনা :—ঠিক সেই সত্য সংগ্রহের একটা প্রচেষ্টা, একটা আশ্রাস যে কর্ত্তে হচ্ছে বাবা!

ভোলা :—বেশ। আমি চল্লাম। আমি স্বয়ং রাজাকে প্রশ্ন করছি।

সনা :— এও তোমার ভক্তির লক্ষণ। কোনরূপ প্রশ্ন না করে, কোন দ্বিধাকে হৃদয়ে স্থান না দিয়ে, অগ্রপশ্চাৎ সম্যক প্রশ্নধান না ক'রে, শুধু আমার কথার কোথায় গমনোদ্ভূত তুমি, নিজেই জান না। মরণের সাথে সাক্ষাৎকারের বে একটি সুযোগ আসতে পারে, এ চিন্তা কি তোমার হৃদয়ে স্থান পায়?

ভোলা :— প্রভু! সে সমস্ত চিন্তার ভার হ'তে আপনিই ত' আমাকে মুক্তি দিয়েছেন। আপনার আশীর্বাদেই যে আমি জেনেছি, মৃত্যু নাই, মৃত্যুভয় নাই! যাকে মৃত্যু বলি, সে জীবনেরি নামাস্তর, অমৃতেরই রূপ মাত্র। সে কথা থাক, আপনার মনে যখন প্রশ্ন জেগেছে, উত্তর আমাকে পেতেই হবে, মূল্য তার যাই হোক। আমি আসি, আশীর্বাদ করুন প্রভু।

(প্রণত হইলেন। সনাতন ভোলানাথের সংকল্পদৃঢ় দেহের দিকে তাকাইয়া বিচলিত হইলেন, বলিলেন)

সনা :— তাইত' ভোলানাথ ! তুমি আমার চিন্তিত  
করালে ।

( ভোলানাথ ক্ষোভের সহিত মন্তক তুলিয়া বলিলেন )

ভোলা :—ও চিন্তার অৰ্ধ অধম এ শিষ্যের উপর আস্থা  
স্থাপনে অনিচ্ছা । আজ সত্যই মৃত্যু আমার প্রাণ্য,  
আমার কাম্য ।

বল গুরু বল মোরে কবে কোন অশুভক্ষেপে

আমারে দুর্বল তুমি হেরেছ নয়নে ;

তাই আজি সন্দেহের ছায়া আসি ঢাকে তব হৃদি ?

সাধিবারে তব দত্ত ভার, আশীষ ভিখারী আমি,

অসংকোচে দিতে বাধা তব ?

( অভিমানে প্রায় কাঁদিয়া ফেলিলেন, পরে একটু সুস্থ  
হইয়া গুরুকণ্ঠে বলিলেন )

বুঝিয়াছি,

বড় গর্ব ধ'রেছিল হৃদে, শিষ্য আমি তব,

লভিয়াছি শিষ্যের গরিমা !

সে গর্ব ভাঙ্গিয়া দিতে

উত্তম এ শিক্ষা তুমি দিলে হে ধীমান্ !

জীবনের প্রয়োজন গিয়াছে চলিয়া ।

বুঝিলাম,

আশীষ লভিতে আমি নহি অধিকারী ;

নহে কেন দ্বিধা তব চিতে ?

চলিলাম গুরু !

এইমাত্র গুনিয়াছি তোমারি শ্রীমুখে,

যাত্রাপথ মোর দীপ্ত করে মরণের আলো ;

সেই ভালো, সেই ভালো তবে।

সনা :— ভোলানাথ! বৎস! তাজ অভিমান।

চরম্ব দানব, দুর্মদ হৃদয় তার,

তাই হয়েছিল ভয়, হয়েছিল ভুল।

সে ভুল ভাঙ্গিয়া গেছে;

বাও বৎস! মানা নাহি করি।

অদ্বুত এ গুরুভক্তি তব জগতে অতুল,

এ মোর গৌরব।

শাস্ত্রমর্মে, জ্ঞানধর্মে, আদর্শ প্রতীক আমি।

শিষ্যরূপে লভিয়া তোমারে

ধন্য আমি, ধন্য ত্রিভুবন।

বাও শক্তিদর।

(অদূরে বহুদূরে হবিবনি শ্রুত হইল। সনাতন ও ভোলানাথ উভয়েই সচকিত হইয়া উঠিলেন। কীর্ত্তনস্বর ক্রমশঃ নিকটে আসিতে লাগিল। বাহিরে পথ বারিরা একদল হরিভক্ত গাহিতে গাহিতে যাইতেছেন দেখা গেল, তাহাদের পুরোভাগে প্রহ্লাদ)

(গীত)

ভজ, হরিনাম শুধু গাহ মুখে হরিনাম

যাবে, দূরে চলে দুঃখ ভাপ রাশি যাতনা।

বল, হরিবোল, হরিবোল, হরিবোল,

ও তোর, দূরে যাবে সব ভাবনা।

হরিবোল, হরিবোল, হরিবোল।

(গাহিতে গাহিতে দল চলিয়া গেল, স্বর ক্রমশঃ ক্ষীণ)

হইতে কীণতর হইয়া মিলাইয়া পেল। নিশ্চকতা ভঞ্  
করিলেন সনাতন, মহা উৎসাহভরে )

সনা :— বৎস !

পেয়েছ উদ্ভর ? বৃক্ষিমাছ শ্রীহরির লীলা ?

পিতা চায় সাধিবারে ভক্তির উচ্ছেদ,

পুত্র আসি বাদী হয় তায়।

বৃক্ষিমাছ, হেন পুত্র কাহার সৃজন ?

চমৎকার ! চমৎকার ? মনোহারী লীলা ?

প্রভু ! প্রভু ! কি বলিব আর ?

তুমি চতুরালী !

চতুর্দিকে ঝরে তব আলো।

( স্নেহ দিক্কে উদ্দেশ্য করিয়া প্রণাম করিতে লাগিলেন,  
সহসা ভোলানাথের দিকে ফিরিতেই তাহাকে যেন দেখিতে  
পাইলেন ও মনে হইল যেন তাহাকেও প্রণাম জ্ঞাপন  
করিতেছেন, পরে গদগদস্বরে স্নেহ মিশ্রিত স্বরে বলিতেছেন )

ভোলানাথ !

বাণা পেয়ে বাণা দিছি অন্তরে তোমার।

মুঢ় আমি, পূর্ণ অহংজনী ;

পূর্বে বৃক্ষি নাই.

বীর নাম, সেই নামরূপী লব্ধেছেন ভার

আপনার নামের প্রচার, আনন্দ তাঁহার।

এই তাঁর লীলার বিলাস।

বাধা আসে, শুধুমাত্র তীব্রতা বাড়তে,

করিতে উজ্জল তারে, করিতে তাস্বর।

গাও বৎস, প্রাণভরে গাও হরিনাম।

ডাকো তব বালকের দল, আশুক যুবকবৃন্দ,  
বুদ্ধ বারা থাকুক নাচিতে,

উল্লাসে তুলুক সবে হরিণাম রোল !

মুখে বল হরি, মনে ভজ হরি,

গাহ শুধু হরিবোল, হরিবোল, হরি ।

( আর বলিতে পারিলেন না । ভাবের ভারে বাক্য বন্ধ  
হইয়া গেল, চক্ষু দিয়া অবিরল জল পড়িতে লাগিল,  
প্রবেশ করিল ভক্তের দল ও প্রজ্ঞাদ রচিত পুণ্ড্র-  
গীতখানি নাচিয়া নাচিয়া গাহিতে লাগিল । সনাতন তরঙ্গ  
হইয়া শুনিতে শুনিতে সমাধিস্থ । ভোলানাথ উদ্ভবের  
মত ভক্তবৃন্দের সহিত নাচিতে লাগিলেন, হাসিতে লাগিলেন,  
কখনও বা গুরুর পায়ে মাথা রাখিয়া কঁাদিতে লাগিলেন )

এই আনন্দ পরিবেশের মধ্যে দৃশ্যের সমাপ্তি ঘটিল ।

## চতুর্থ দৃশ্য

দৃশ্য সংকেত :—হিরণ্যকশিপু প্রাসাদের কক্ষসংলগ্ন  
একটি প্রশস্ত বারান্দা ।

কশিপু ও তাঁহার সেনাপতি শব্বর কিছুপূর্বে কথা  
বলিতেছিলেন । দৃশ্যের প্রকাশে দেখা গেল শব্বর একস্থানে  
দাঁড়াইয়া, আর কশিপু উত্তেজিত ভাবে বারান্দার একপ্রান্ত  
হইতে অপর প্রান্ত পর্য্যন্ত পাদচারণা করিতেছেন । সহসা  
শব্বেরদৈনুখে দাঁড়াইয়া বলিলেন—

হিরণ্য :—রণী অনুরোধ তুমি করোনা শব্বর ।

রাজার বিচার পুত্র মিত্র নাহি করে ভেদ ।

দিকে দিকে বজ্রনাদে কর বিঘোষিত,

‘দৈত্যপুত্র হরিনাম, নহে শুধু রাজার নিষেধ,

জাতির কলংক তাহা ।’

হরিনাম যেবা লবে মুখে, শাস্তি তার প্রাণদণ্ড

অসীম বহুগাময় মৃত্যুর আশ্বাদ ।

শব্বর :—(সমস্ত্রমে) ওহু ! বালক প্রহ্লাদ !

হিরণ্য :—ভালো জানি আমি,

কিন্তু হরিনাম বিষ মুখে লয়ে

জন্ম নেছে অভাগা তনয় ।

সাধ্যমত করেছি যতন

হরিতে সে বিষরাশি বালকের রসনা হইতে ।

আশ্চর্য্য শব্বর !

দৈত্যকুলপতি হিরণ্যকশিপু আমি, ত্রিভুবন ত্রাস:

নারিলাম জ্বিনিতে বালকে ?



পারিল না স্নেহ, বার্থ হলো মধুর বচন,

ভেসে গেল সব অনুরোধ ।

অবহেলি ক্রকুটি আমার আনন্দে গাহিল হরিনাম,

মৃত্যু ভয় মনে নাহি মানে,

উন্মাদ করিবে মোরে হরিনাম গানে ।

শব্দর :—অজ্ঞান সে শিশু ।

হিরণ্য :—অজ্ঞান আমরা ।

(প্রায় ধমকিয়া উঠিলেন । শব্দরের মুখে আর কোন কথা ফুটিল না, হিরণ্যকশিপু পাদচারণা করিতে লাগিলেন। পরে বলিলেন)

শব্দর !

ভীষ্মমুণ্ডি যাতক দাঁড়ালো এসে সম্মুখে তাহার,

ভয় নাই, চিন্তা নাই, দ্বিধা নাই জুড়ে ?

(পরিভ্রমণ)

বুঝিছ না ? দানবের দপের প্রাসাদে

দত্তভরে জন্ম নেছে সে কণ্টকতরু,

বিনা মূলোচ্ছেদে হর্মরাজি পড়িবে ধসিয়া ।

শব্দর :—প্রভু ! মহারাজি—

হিরণ্য :—তারে আমি জানি ।

হয়ত' বা হারাবো তাহারে ।

বেদনার ভারে

হয়ত' বা সাঙ্গ হবে জীবনীলা তার ।

কিন্তু কি করিব ?

অন্ধ পুত্রস্নেহে দিব ধর্ম বিসর্জন ?

(কিয়ৎক্ষণ উভয়েই নীরব)

শুধু কি তুমিই ? শুধু মহারানি ?

একবারে চাহ মোর পানে ।

দেখিতে কি পাও,

কী ভীষণ দাহ সেথা দলিছে দেহেরে ?

বুঝিছ কি, অন্তরাঙ্গা মোর আকুল ক্রন্দনে

অহর্নিশি মাগিতেছে সন্তানের প্রাণ ?

আকাশে বাতাসে, সারাক্ষণ শুধু

ভাসিতেছে তারি মধুস্বর !

হয়ত' বা—হয়ত' বা... ..

(সহসা কী ঘেন শুনিতে পাইয়া সচকিতে বলিলেন)

শব্দর ! শব্দর !

শুনিলে কি শিশুকণ্ঠে রোদনের ধ্বনি ?

(শব্দর কশিপুর এই আত্মনির্যাতনে ব্যথিত হইয়া কাতর ভাবে বলিলেন)

শব্দর :—হেন নির্যাতন প্রভু আপনারে কেন কর তুমি ?

এ যে অকরণ, বড়ই নিষ্ঠুর ।

ক্ষমা কর, ক্ষমা কর দেব !

(কশিপু নিজের দুর্বলতা ধরা পড়িয়াছে দেখিয়া প্রথমটা লজ্জিত হইলেন পরে সংখত হইয়া কহিলেন)

হিরণ্য :—না ! ভুল ! ভুল ! ভ্রমমাত্র ইহা !

শব্দর ! দেখত' বাহিরে,

প্রহ্লাদের ছিন্নমুণ্ড লগ্নে ঘাতক-কি—

(ঠিক এমনি সময়ে প্রবেশ করিল ঘাতক ও রাজার মুখে তাহারই নামোচ্চারণ শুনিয়া বলিয়া ফেলিল)

বাতক :—এসেছে বাতক দেব !

(কশিপু তাহার দিকে চাহিতে পারিলেন না, পশ্চাৎ ফিরিলেন, তাহাতেও চিত্ত শান্ত হইল না, ভয়, যদি কিছু অবাঞ্ছিত দেখিয়া ফলেন। দুই হস্তে চক্ষু আবৃত করিয়া বলিলেন)

কশিপু :—বাতক ! বাতক !

ফিরে বাও, ফিরে বাও তুমি ।

বাতক :—কোণা যাব ফিরে ?

পুনঃ সেই ভীষণ মশানে ?

গুনিতে সে ভৈরব নিনাদে ?

তার চেয়ে শতগুণে শ্রেয় রাজরোষ ।

হিরণ্য :— ( সেই অবস্থায় থাকিয়া ) শব্দ !

আজ্ঞা দাও, আজ্ঞা দাও ফিরিতে বাতকে ।

দূর কর তারে ।...

না-না-হত্যা ! কর হত্যা তারে ।

( চক্ষু হইতে হস্ত অপসারিত করিয়া ফিরিলেন )

শ্রেয় রাজরোষ !

কী প্রচণ্ড আলা তার বুঝিবে এখনি ।

সন্তানের রক্তসিক্ত করে,

আসিয়াছ রাজরোষ করিতে আশ্বাদ ?

আকণ্ঠ করাবো তোমা পান ।...

শূল ! না-না-সর্পাঘাত !

না,—জীবন্ত দহন !

না, বাতকের অবসান বাতকের হাতে ।

থড়ো, সেই থড়ো,

জ্বাঘাতে—কোমল সে শিশুদেহ

বিচ্ছিন্ন করেছ তুমি শির হতে তার,  
সেই খজো, রক্তমাখা সেই খজাঘাতে ...

রক্ত...রক্ত...

( উত্তেজনার দানবরক্ত যেন দেহের সর্বক্ষে নাচিতে লাগিল, সহসা 'রক্তের' কথায় বোধ হয় প্রাণীদের রক্তসিক্ত কলেবর চক্ষের সম্মুখে ভাসিয়া উঠিল। যে কারণেই তউক তাহার মন আর্দ্র ও সিক্ত হওয়ার মুখ দিয়া যে বাণী বাতির চইল তাহা অতি করুণ, তাহার মধ্যে একটা যেন অলুনের সুর।

রে ঘাতক !

কত রক্ত, কত রক্ত ছিল সেই বালকের দেহে ?

বল্ বল্ ভয় নাই তোরা—প্রভুভক্ত বীর ।

ঘাতক :— ভয় নাই ? ভয় নাই ?

রক্ত হেরি দৈত্য প্রাণ ভয় নাহি পার ।

কিন্তু রক্ত কোথা পাব ?

প্রবাহ তাহার নিরুদ্ধ হইয়া গেছে বালকের গানে ।

চিরুমাত্র নাই শোণিতের ।

হিরণ্য :—উন্মাদ দানব !

ঘাতক :—থরথরি এখনও কাঁপিছে হিরা

স্মরিয়া সে ভৈরব আরাধে ।

প্রতিবিলু, প্রতিকণা তার

জন্ম নেছে হরিনাম হতে ।

অক্ষয় অমর সেই হরি হতে উদ্ভূত প্রহ্লাদ ।

( কশিপু এই অসংযত বাক্যের শাস্তি দিবার মানসে শব্দরক ইংগিত করিলেন ! রাজাজ্ঞার শব্দ ঘাতকের

অভিমুখে অসি উত্তোলন করিলেন । ষাতক নির্ভয়ে বুক  
পাতিয়া বলিল )

দেখেছ কি সেনাপতি নীবব মশান ?

শুনেছ কি শিশুকণ্ঠে হরিনাম গান ?

শানিত কৃপাণ তুলেছ কি বালকের শিরে ?

কোমল সে মাংসপিণ্ড পরশ পাইয়া

দ্বিখণ্ডিত হ'ল কৃপাণ,—

দেখেছো নয়নে ?

হিরণ্য :—মিথ্যাবাদী দূত !

ষাতক :—তা'হতে অদ্ভুত ;

বালকের রক্তলোভে উন্মত্ত অধীর,

তুলিছে দ্বিতীয় খজা ।

হিরণ্য :—সাবাসি ষাতক !

ষাতক :—হরিবোল হরিবোল ধ্বনি

বালকণ্ঠে বহে অবিরাম ;

পুরিল গগন, আচ্ছন্ন তপন,

ঔঁধার বেরিল সব ।

মূর্ত'হয়ে হরিনাম ধ্বনি আমারে বেরিয়া

করিতে লাগিল নৃত্য মশান মাঝারে ।

হিম হয়ে এলো সর্বতন্ত্র :

ডরে মহাবেগে হানিছে কৃপাণ, জ্ঞানহারা আমি ।

হিরণ্য :—ধন্য দৈত্যবীর !

( ষাতক কশিপুর কথা বোধ হয় শুনিতে পায় নাই,  
কারণ সে তখন মানস দেহে মশানে বিচরণ করিতেছে ।  
সে বলিয়া চলিল )

ঘাতক :—পেছু যবে জ্ঞান,

হরিনামগান শুনিমু আবার,

প্রহ্লাদ তুলিছে রোল, হরিবোল, হরিবোল ।

( সুরে গাহিতে লাগিল, হৃদয়' বেহুরো, তবু ভরপুর )

হরিবোল—হরিবোল—হরি ...

( প্রায় উন্মাদিনি কন্নাধুর প্রবেশ )

কন্নাধু :—কে রে বাছা দানবের পুরে,

মধুমাথা সুরে গাস্ হরিনাম !

গাহিল প্রহ্লাদ, ঘাতক মারিল তারে :

ঘাতক :—মাগো ! হরিনামে মরিল ঘাতক ।

হিরণ্য :—এসেছ কি রানি,

পুত্রহন্তে পরাজয় দেখিতে স্বামীর ?

কন্নাধু :—না—না !

ভগ্নরক্তমাথা তনয়ের শির

পিতার কোমল হস্তে সেজেছে কেমন,

দেখিতে এসেছি আমি উন্মাদিনি ।

হিরণ্য :—পরিহাস করোনা' রাগি !

আমি পারি,—

পারি আমি লাগিতে সে অসাধা সাধন ।

পুত্র কেন ? হলে প্রয়োজন,

ধর্মহেতু আত্মপ্রাণ বলি দিতে পারি,

অকাতরে, হাসিমুখে নিশ্চিন্ত নির্ভয়ে ।

এতই দুর্বল তুমি ভেবেছ কি মোরে ?

কন্নাধু :—না প্রভু ! স্বপনেও ভাবিনা কখনও ।

হিরণ্য :—সত্য বটে, মৃত্যুর ছুয়ার হতে ফিরেছে প্রহ্লাদ,

কিন্তু মনেও দিওনা স্থান,

হরিনাম কারণ তাহার ।

অকর্মণ্য ষাতকের বিশ্বাসহীনতা—

ষাতক :—(শরবিদ্রবৎ) দয়া কর, দয়া কর প্রভু !

হেন আখ্যা দিওনা দাসেরে ।

দৈতারণ্য ধমনীতে বহে পূর্ণবেজে ;

আজীবন নিরোজিত ষাতকের কাজে ;

শানিত কুপাণ তলে,

কত শত হিন্ন শির পড়েছে লুটায় ;

উল্লাসে দানব রক্ত নাচিয়া উঠেছে ;

তপ্ত রক্ত সারা অঙ্গে মাখি,

কৃতার্থ হয়েছি আমি রাজকার্যা সাধি ।

কভু কি দেখেছো,

স্তিরমুষ্টি এই কর হতে খসিতে কুপাণে ?

কভু কি দেখেছো প্রভু,

কম্পিত এ প্রাণ, শঙ্কিত বদন ?

কি শু কি কব তোমারে ?

পুষ্প হতে মুকুমার কিশোর বালক—

মৃত্যুঞ্জয়ী নাম মুখে লয়ে

বিভীষিকা দেখালো আমারে !

কাপুরুষ, কাপুরুষ শতবার আমি,

কিন্তু নহি বিশ্বাসঘাতক ।

হিরণ্য :—বিশ্বস্ত ষাতক !

ক্ষোভ তব করিব নির্ঝান ক্রুদ্ধ করি হরিনাম গান

দৈত্যাশ্রমে জাগে বিভীষিকা, নূতন সংবাদ !

কিস্ত উন্মত্ত বারণ ?

সেত' কভু মানে না বারণ,—চাহেনা কারণ,

পদতলে তার মহোল্লাসে গরজে মরণ !

(পরিক্রমণ, সকলে স্তব্ধ)

হস্তিপদতলে মরিবে প্রহ্লাদ, রাজ আজ্ঞা ইহা ।

শব্দ ! যাও, শীঘ্র যাও !

অপেক্ষায় রহিব হেথায়—

প্রহ্লাদের মাংসপিণ্ড হেরিতে নয়নে ।

(শব্দ চলিয়া গেলেন । কিম্বৎক্ষণ সকলেই নিস্তব্ধ  
রহিলেন । কশিপু উন্মত্তবৎ পাদচারণা করিতে লাগিলেন ।  
কোনক্রমে একটু সুষোগ পাইয়া কন্নাধু শান্তস্বরে বলিলেন—  
কথা প্রায় কান্নার মত)

কন্নাধু :—প্রভু !

হিরণ্য :—( বিরক্ত হইয়া ) আঃ ! স্তব্ধ হও রাগি !

ক্ষণেক অপেক্ষা কর ।

সন্তানের মৃতদেহ চাপি বক্ষোপরে,

যত পার, যত পার করিও রোদন ;

আমা'পরে যত পার অভিশাপ করিও বর্ষণ ।

আমি চাই সন্তোর সন্ধান !

হাঁ হাঁ, সন্তোর সন্ধান !

আপনার পুত্রবিনিময়ে ! হোক না সে... ..

আর বলিতে পারিলেন না । পুনরায় উদ্ভ্রান্ত ভাবে  
দুর্জিতে লাগিলেন । কন্নাধু অঞ্চলে মুখ চাপিয়া কাঁদিতে



লাগিলেন। ষাতকটি সহসা কন্নাধুর পদতলে বসিয়া পড়িল, বলিল)

ষাতক : মাগো ! নীচ বংশে জনম আমার ;  
নীচ সঙ্গ, নীচকার্য কাটায়ে সমগ্র জীবন ;  
কিন্তু কুহকী সজ্ঞান তোর,  
খুলে দেছে হৃদয়ের ডোর ।  
আজি মুক্ত হৃদিভার, জানিয়াছি সার,  
সংসার অসার, তবে সারাৎসার,  
হরিণাম, হরিণাম, হরিণাম গান ।

(স্বরে) হরিবোল—হরিবোল-হরি ... ..

হিরণ্য :—স্তব্ধ হ ষাতক ।

ষাতক :—ক্ৰোধে কি টলিবে হৃদয় ?  
নবরঙ্গে মেতেছে এ প্রাণ, নবরসে ভরেছে ভুবন ।  
চিন্তা নাই, লজ্জা নাই, নাইকোন দ্বিধা ;  
কেটে গেছে নম্রনের ধাঁধা ।  
মরণ মরিয়া গেল হরিণাম গানে,  
স্বচক্ষে নেহারি, মৃত্যুরে করিব আমি ভ্রম ।  
মৃত্যুঞ্জয়ী নাম এনেছে পহ্লাদ,  
হরি হরি নাদ করেছে উন্মাদ ।

( কশিপু ক্রোধে অসি তুলিলেন, ষাতকের সেদিকে দৃষ্টি নাই ; কন্নাধু কাঁদিয়া উঠিলেন “উঃ” বলিয়া )

ষাতক :—কেন মা রোদন ?

হরিণাম ধন, পেয়েছে যে জন,  
সফল জীবন তার, সফল মরণ ।  
হান হে রাজন ।

( নির্ভয়ে বুক পাতিয়া দিল, কশিপু অসি ফিরাইয়া  
গইলেন, বলিলেন )

হিরণ্য :—না ! ক্ষুদ্রজীব তুই ।

অন্ধ আত্মহারা, মায়াঘোরে ঘেরা !

বা-বা, তোরে নয় আত্ম ;—বা— ।

( বাতক চলিয়া গেল । মঞ্চ স্তব্ধ, ক্ষণপরে বাহিরে শব্দ ।  
কশিপু ও কয়াধু উৎকর্ণ হইলেন । অসম্ভব চঞ্চলতা উভয়  
হৃদয়ে, বাহিরে তাহার প্রকাশ হয় না । কশিপু যেন  
নিজেকে প্রস্তুত করিবার জন্তই বলিলেন )

হৃদয় প্রস্তুত কর রাণি,

সন্তানের মৃতদেহ হেরিতে নয়নে ;

হরিনাম ধ্বনি নিখর হইয়া গেছে

রক্তমাখা কণ্ঠনালী পবে ।

( প্রবেশ করিল শম্বর, সঙ্গে আহত, রক্তাক্ত এক  
দানব, সে মাহুত । শম্বরের উদ্ভ্রান্ত দৃষ্টি, কম্পিত চরণ,  
কিছুটা যেন সভয় ও সচকিত ভাব ; মাহুতের মধ্যে আত  
ভাবেরই প্রকাশ )

এসেছ শম্বর ? কি হেতু, কাতর ?

শত্রু নাশে বিকল কেন বা !

একি ? শোণিতের লেখা

কেন হেরি মাহুতের গায় ?

শম্বর :— প্রভু ! মারাবী বালক !

( কশিপু বুঝিলেন যে কিছু একটা অসম্ভব ঘটনা আছে ।  
সেটি জানিবার আগ্রহবশেও বটে, স্বীয় সংকল্পে ব্যাঘাতের  
আঘাতেও বটে, বিরক্ত হইয়া শ্লেষের সুরে বলিলেন )

হিবণা :—হা, হাঁ, জানি আমি মায়াবী বালক ।

বল, বল তাব মায়াব কাহিনী,

শুনে পবিতৃপ্ত হই ।

শব্দ — ব'রী হাতে বাহিবিয়া উন্নত বারণ,

ছুট চলে বাজপথ দিয়া ;

পদভার কাঁপিল মদিনা ;

পথিক পলায় ভয়ে, ব্রহ্ম সর্বজন ।

মদগর্বে ছুটিয়াছে বাবণ হুবাব,

অংগভঙ্গে অস্ত্রি মাছ ত লুটায় পড়িল ভ্রম ।

অশ্বপৃষ্ঠে ধাইতু পশ্চাতে ;

সহসা দাঁড়ালো গজ প্রহ্লাদে হেরিয়া,

নবনাবী হাহাকাব কবিয়া উঠিল ।

আশ্চর্য্য বাজন্ ! হবিনামে উন্মত্ত বালক,

ভয় নাই, চিন্তা নাই হৃদে :

অবিরাম হবিনাম গাতিতে আনন্দে ।

হিবণা :—উত্তম হে দমুজপ্রবর !

বালকের কণ্ঠে শুনি হবিনাম ধ্বনি,

আনন্দাত তাহ্মণারা তুমি কি কবিলে ।

( শব্দেব ঠংগিতে দীনভাবে মাছতের প্রস্তান )

শব্দ :— ক্রুদ্ধ হইও না প্রভু ! অদ্ভুত ঘটনা !

চারিদিকে নবনারী করে হাহাকাব,

মরিল প্রহ্লাদ, নাহি প্রতিকার ।

হরন্ত বাবণ, স্নানে সর্বজন ।

কাঁদিল কেহ বা, হাসিল বা কেহ,

হেরিতে ক্ষোভকূ দূর হতে দেখিতে লাগিল কেহ ।

স্তব্ধ গজরাজ, গী ভাবিয়া মনে

নতজানু পড়িল ভূমিতে ।

তারপর, বিস্মিত হইয়া দেব,

এনো না সংশয় !

মাতা যথা সন্তানেরে টেনে লয় আপনার বুকে

অসীম আশ্রয়ে, বাবুল বন্ধনে,

সেইমত তুলি গুপ্তপরে বালকেরে নিল পৃষ্ঠদেশে ।

হরিনাম গাহিছে বালক,

তালে তালে নাচে গজরাজ,

শতকণ্ঠে হরিধ্বনি জাগিয়া উঠিল ।

হিরণ্য :—উদ্ভূত কি হয়েছে দানব ? বন্দী কর সবে ।

লৌহ কারাগারে

আবদ্ধ করিয়া রাখ লৌহের বেষ্টনে ।

অগ্রে করি কালরূপী পুত্রের নিধন,

তারপর জানি আমি দানবের মুখ হাতে

কেমনে হরিতে হয় হরিনাম ধ্বনি ।

কোথায় প্রহ্লাদ ?

লয়ে এস তারে । শাস্তি তার—

( ছুটিতে ছুটিতে প্রহ্লাদের প্রবেশ )

প্রহ্লাদ :—শাস্তি দাও পিতা, বাহা ইচ্ছা তব,

গুণ্ডু হরিনামে করোনাকো মানা ।

(সুরে) হরিবোল—হরিবোল-হরি... ..

( ছুটিয়া গিয়া কন্নাধূর অঞ্চল ধারণ করিলেন । কন্নাধূ

শিরশ্চুম্বন করিয়া তাহার মস্তকে হস্ত বুলাইতে লাগিলেন )

না হেরিয়া ঘরে তোরে

ছুটিয়া এসেছি হেথা মাতা ।

( মাতাপুত্রের এ মিলনদৃশ্য কশিপুর অসহ হইল,  
তিনি রুঢ়কণ্ঠে বলিলেন )

হিরণ্য :—ভাগ্যবশে চুইবার

কালের কবল হতে এসেছ ফিরিয়া ;

তাই বুঝি দেখাইতে আপন গৌরব,

পিতারে করিতে হতমান,

হরিনাম বিষ মুখে লগ্নে

আসিয়াছ পিতার নিকটে

পিতৃদ্বেষী সন্তান আমার ?

প্রহ্লাদ :—হেন কথা বলোনা, বলোনা পিতা !

বড় ব্যথা পাই আমি মনে ।

তোমা হতে জনম আমার,

তোমা হতে দেখিছু সংসার ;

যে মুখেতে গাই হরিনাম, তোমারি সে দান ;

পুত্র আমি তব স্নেহের ভিখারী সদা ।

হিরণ্য :—পিতৃ আজ্ঞা, রাজ্ঞ আজ্ঞা দলিয়া চরণে

চাও ডিগা স্নেহ, ভালোবাসা ?

এ হেন চাতুরী, সামান্য বালক তুই,

কোথায় পাইলি ? কে শিখালো তোরে ?

প্রহ্লাদ :— পিতা ! শিখি নাই কিছু, জানি নাই কিছু !

শিখিয়াছি হরিনাম গান ।

হিরণ্য :—কালফণী দংশিয়াছে শিরে তোমার,

কি হবে ঔষধে ? শব্দর !

অসহ এ পরাজয় । উন্মাদ করিবে মোরে ।

ক্ষুদ্র শিশু বার বার করে অপমান ?

আমি দম্বুজপ্রধান, হত গর্বমান ,

নিবারিতে নারি কোনমতে ? দম্বুজ গৌরব

পথের ধুলির পরে যার গড়াগড়ি ।

ক্ষুদ্র এক শিশু হলো দানবের অরি ?

বধ কর, বধ কর ত্বরন্ত বালকে যে উপায়ে পার ।

যে মুখেতে লগ্ন হরিণাম,

সেই মুখে তুলে দাও বিষ কালকূট,

শত্রু নাম নিষ্পন্দ হইয়া যাক নিখর অধরে ।

লগ্নে যাও দূরে ;

চক্ষুর সম্মুখ হতে দূর কর তারে ।

( কন্নাধু আরও জোরে প্রহ্লাদকে বুকে চাপিয়া ধরিলেন ।

অভিমান-জড়িত কণ্ঠে প্রহ্লাদ কহিলেন )

প্রহ্লাদ :—ছেড়ে দে জননি !

হিরণ্য :—ছেড়ে দাও রাণি !

ভালো পুত্র করেছ প্রসব,

জন্ম যার হরিবারে দানব গৌরব ।

কিন্তু জেন স্থির,

মহাবল হিরণ্যকশিপু আমি,

জীবিত থাকিতে এ কলংক লেখা

রাখিব না দানবের ভালে ।

( কন্নাধু রোদন করিতে লাগিলেন )

ভেবেছ কি রাণি,

রোদন তোমার গর্ব মোর পারিবে হরিতে ?

ছেড়ে দাও অবাধা সন্তানে,

স্নেহের বন্ধন তব পারিবে না রক্ষিতে তা'গাবে।

করাধু :— প্রস্তুত গঠিত কি গো হৃদয় তোমার ?

এমন নিষ্ঠুর, এতই নির্দয় ?

কোন্ প্রাণে পিতা তুমি

জননীর কোল হতে সন্তানে কাড়িতে চাও ?

দিতে চাও মরণের কোলে ?

হিরণ্য :—পুত্র কোথা ?

শত্রু সে আমার, শত্রু সে তোমার,

দানব মহিষী তুমি।

প্রহ্লাদ :—( অভিমানে ) ছেড়ে দে জননি !

কেন তুই ব্যাকুল এমন ?

চলে বাই দূরে, বহুদূরে ;

পিতার নয়ন হতে মুছে যাক প্রহ্লাদের ছবি।

হরিনাম গাহিতে গাহিতে

কালকূট বিষ সুধাসম তুলে লব মুখে।

করাধু :—বাছারে আমার !

প্রহ্লাদ :—হরিনামে পেরেছি জীবন,

হরিনামে দিব বিসর্জন।

মাগো ! বল হরিবোল, উচ্চকণ্ঠে বল হরিবোল।

তোর কণ্ঠে হরিনাম শুনিতে শুনিতে,

এই মুখে হরিনাম বলিতে বলিতে,

হয় যদি অবসান জীবন আমার—

( কাঁদিয়া ফেলিলেন, করাধু কাঁদিলেন, কশিপু ক্রন্দন  
চাপিবার জন্তই বলিলেন )

হিরণ্য :—বিলম্ব অধিক আমি সহিব না রাগি ।

শেষ কর পুত্র সনে তব শেষ বাণী ।

প্রাণদ — পিতা ! মোর তরে গজনা দিয়ো না মা'য়

আনো হলাহল, করি আমি পান,

যুঁচে থাক্ প্রাণ, থাক তব মান ।

চম সেনাপতি ! রাজ আজ্ঞা করহ পালন ।

( সব বহন ছিন্ন করিয়া অগ্রগামী হইলেন ; শব্দ  
পশ্চাতে গেলেন । করাধু আচ্ছন্নের মত ভূমিতে লুটাইয়া  
পড়িলেন । কশিপু অশ্রুটকণ্ঠে কি যেন আবৃত্তি করিতে  
লাগিলেন, ঠিক বোঝা যায় না, ইষ্টমন্ত্র কি না )

করাধু ?—চলে গেল, চলে গল নিষ্ঠুর তনয় ।

সংসারে আসিয়া পেলো না মমতা,

পেলোনাও' স্নেহ ভালোবাসা,

অভিমাণে হলাহল নিল গলে তুলে ।

তাই ভালো, তাই ভালো হলো !

পিপাচী জননি আমি, নারিলাম রক্ষিতে সন্তানে ।

( অজস্রধারে কাঁদিত লাগিলেন । সে দৃশ্য সহ করা  
কঠিনহৃদয় হিরণ্যকশিপুও সাধ্যাতীত । বারংবার ইতস্ততঃ  
পরিভ্রমণে চিত্ত শাস্ত হয় না, দন্তে দন্তে ঘর্ষণে চাঞ্চল্য দূর  
হয় না, হস্তনিপীড়নে আবেগ যেন বৃদ্ধির পথেই চলে ।  
ক্রন্দন বিকৃত কণ্ঠে বলিয়া উঠিলেন )

হিরণ্য :—স্থির হও, স্থির হও রাগি !

অশ্রুভারে বিকল করো না মোরে ।

মৃতদেহ এখনও ত' হেরনি নয়নে ;

রোমন কি হেতু তবে ?



স্বাসহীন দেহটিরে বুকে তুলে লয়ে  
অজস্র অশ্রুর ধারে সন্তানের করিও তর্পন ।  
শপথ তোমার, আমি যোগ দিব তাহে ।

( নীরব )

আমার প্রাণের বাণী বৃষ্টিছ কি রাগি ?  
বৃষ্টিছ কি ... ..  
স্নেহভিক্ষা করি পিতৃপদে দাঁড়ালো সন্তান,  
প্রতিদান ... ..

শক্তি দাও, শক্তি দাও ইষ্টদেব মম,  
শক্তি দাও কে আছে কোথায়,  
ক্ষণতরে মমতারে রাখ দূরে দূরে ।

তারপর—তারপর—ও হো হো ।

রাগি ! রাগি !

ফিরাও শব্দে, ফিরাও শব্দে ।

( টলিতে টলিতে প্রস্থান । কষাধু হতবুদ্ধি হইয়া  
সহিলেন, পরে অশ্রু পূরিত কণ্ঠে বলিয়া উঠিলেন )  
কষাধু ঃ—নারায়ণ ! নারায়ণ !

( এ করুণ দৃষ্টের সমাপ্তি না দিলে হৃৎথের ভারে  
মঞ্চ নামিয়া যাইবে । )

## পঞ্চম দৃশ্য

দৃশ্য সংকেত :—বনানী সমাকুল এক পর্বতপৃষ্ঠ । বিরূপাক্ষ  
ও উপদানবী ধীর পাদবিক্ষেপে অতি সাবধানে আরোহণ  
করিতেছেন । সহসা উপদানবী বিরূপাক্ষকে গামিতে  
ইংগিত করিলেন ও অল্পচাচাপাকর্ষে বলিলেন )

উপ :— এই সেই স্থান ।

ঐ যে দেখিছ দূরে পর্বত গহ্বর,  
মনে হ্র, ওরি মাঝে আবাস তাঁহার ।  
নির্ভয়ে চলিয়া যাও ।

ধিরু :— ( সভয় বিস্ময়ে ) কী ভীষণ স্থান ?  
বায়ু স্তব্ধগতি, রুদ্ধ সমীরণ ;  
ডরে বৃষ্টি পশে না আলোক ?  
শব্দহীন ছায়াহীন এ কোন্ প্রদেশ ?  
এর মাঝে বসতি বাহার,  
নাহি জানি, কী ভীষণ প্রকৃতি তাহার,  
মূর্তি বা কেমন ?

উপ :— গুনিয়াছি,  
মহাতেজা তপস্বী জনেক নিষনে হেথার ।  
সংসারের কোলাহল করি পরিত্যাগ,  
স্বভাবনির্মিত এই পর্বত দেউলে অধিষ্ঠান তাঁর ।  
মহাপ্রাণী, প্রচ্ছন্ন সাধক ;  
তপত্তা প্রভাবে অহিকূল ভীত সশঙ্কিত,  
ভূতাসম আজ্ঞাকারী সদা ।

ধীরে ধীরে, অতি সাবধানে যাও তাঁর পাশে ।

পুজিয়া চরণ, চেয়ে লবে বিষ কালকূট,

অব্যর্থ, অমোঘ বাহা ।

মোর নাম লরে

• সেই বিষ দিবে রাজ করে ;

বলিবে তাহারে, প্রহ্লাদনিধনে এ অমাব দান।

যাও ।

বিক্র :— বাব মাতা তোমার অজ্ঞায়, হোব মৃত্যুমাণ্ডে ।

প্রশ্ন কবিব না ।

কিস্তি বিস্মিত করিলে মোরে !

এ হেন অজ্ঞাত স্থান, দুর্গম, ভীষণ

জগতে থাকিতে পারে, ছিল না কল্পনা ।

নাবী তুমি, অন্তঃপুরচারিণি রমণী,

কোথা হতে, কেমনে মা পাঠিলে সন্ধান ?

উপ :— যে রমণী পতিবিরহিনি, বিধবা জগতে,

প্রতিহিংসা, প্রতিশোধ জীবনের মূলমন্ত্র তার,

তার পাশে হেন কার্য্য আছে, বাহা অসম্ভব

যাও, সমস্ত বহিরা বান্ন ;

বন্দিয়া চরণ নতজানু মাগিবে প্রসাদ ;

চাহিবে এমন বিষ, উগ্র হলাহল,

ভোলানাথ, নীলকণ্ঠ যিনি,

তাঁরও যাহে নাহি অব্যাহতি ।

প্রশ্ন যদি করেন সাধক,

বলিও তাঁহারে, যজ্ঞ হেতু মাগিতেছ বিষ

বিক্র :—(সাস্চর্য্যে) যজ্ঞ ?

উপ :—মহা যজ্ঞ ইহা । পশ্চাতে বলিৰ তোমা ।

(এমন সময় পশ্চাদ্ধিক হইতে গীত শ্রুত হইল । উভয়ে চকিত হইলেন । উপদানবী ত্রস্ত হস্তে বিরূপাক্ষকে টানিয়া বলিলেন)

এস অন্তরালে ; ঐ বৃষ্টি আসিছে সাধক !

(উভয়ে পান্থবর্তী লতাক্ষ্মের অন্তরালে আত্মগোপন করিলেন । গীতমুখে হাতে কাঠের করতালি বাজাইতে বাজাইতে এক তপস্বীর প্রবেশ । তিনি আপন মনে গাহিতে লাগিলেন)

ডম্ ডমাডম্ ডম্ ।

বাজে, ববম্ ববম্ বম্ ।

চলে, শন্ শনাশন্ শন্ ।

হেথা জীবন মরণ পণ ।

মরণ আসে জীবন সাথে,

করছে খেলা দিবস রাতে,

নেইকো থামা চলার পথে

ঝম্ ঝমাঝম্ ঝম্ ।

বাজে, ববম্ ববম্ বম্ ॥

(গাহিতে গাহিতে নিজ গুহাবাসের পানে চলিলেন । অন্তরাল হইতে বিরূপাক্ষ ও উপদানবী বাহিরে আসিলেন )

উপ :—(কণ্ঠ চাপিয়া অতি ব্যগ্র ভাবে)

দেখিলে সাধুরে ?

বিরূ :— দেখিয়াছি মাতা ।

চলমান বিদ্রোহের শিখা এক নয়ন ঝলমি গেল,...

দেখিয়াছি মাতা !

দ্বাদশ সূর্য্যের জ্যোতিঃ, অংগেতে মাখিয়া যেন

ঢাকিয়া রেখেছে তারে দেহের গুহার,

পাছে সৃষ্টি দগ্ধ হয়ে যায়,...

দেখিয়াছি মাতা !

উপ :— ঠিক দেখিয়াছ ।

যাও পাছে পাছে, দ্রুত পাদক্ষেপে ।

গুহার প্রবেশ পূর্বে পথিমধ্যে

পদপ্রান্তে পড় লুটাইয়া ।

নহে একবার সাধু যদি প্রবেশেন আপন অঙ্গরে,

সাধ্য নাই যাও তার ত্রিসীমার পারে ।

বিক্র :— এ হেন অদূত কথা শুনিনি কখনও !

কি রহস্ত বল মোরে মাতা ?

উপ :— শুনিয়াছি,

গুহা মুখে অগ্নিগর্ভ জ্বালাভরা

উত্তপ্ত যে নিশ্বাস প্রবহে,

জীবকুল ভস্ম হয় তাহে ।

সংখ্যাতীত বিষধর অহি

রক্ষা করে গুহারকু পথ ।

যাও, আর বিলম্ব করো না ।

(বিক্রপাক চলিয়া গেলেন । উপদানবী ব্যাকুল প্রতীক্ষার চিত্রপুতলীবৎ দাঁড়াইয়া রহিলেন ।

মঞ্চ ঘুরিল । দেখা গেল, পূর্বোক্ত সাধুটি আপন মনে পূর্বের গীতটি গুণগুণ করিয়া গাহিতে গাহিতে চলিতেছেন,

পশ্চাতে ছুটিতেছে বিরূপাক্ষ । সহসা কি যেন মনে করিয়া  
সাধু একস্থানে দাঁড়াইলেন ও পথিপার্শ্বস্থ এক বৃক্ষের দিকে  
তাকাইলেন ; তরুণ শির নত করিয়া দিলে সাধু হাত  
বাড়াইয়া তাহার শাখায় প্রলম্বমান একটি ফল পাড়িয়া  
লইলেন । শাখাটি উপরে উঠিয়া গেল । সাধু কি ভাবিয়া  
শাখাটির উদ্দেশে প্রণাম করিলেন । ঠিক এমনি সময়  
বিরূপাক্ষ বন্ধাজলি হইয়া তাঁহার পদপ্রান্তে আসিয়া বসিতেই,  
সাধুর দৃষ্টি তাঁহার দিকে আকৃষ্ট হইল ; তিনি জিজ্ঞাসা  
করিলেন, স্বরে কঠোরতারই সুর)

তপ :— কে তুমি পতঙ্গ ? কেমনে আসিলে হেথা ?

বিরূ :— প্রভু ! প্রার্থী আমি ।

তপ :— কী আছে প্রার্থনা ?

বিরূ :— বিষ ।

তপ :— বিষ ?

বিরূ :— কালকূট বিষ মাগি তব পাশে ।

তপ :— হেথা বিষ আছে, কে তোমাতে দিয়াছে সন্ধান ?

বিরূ :— প্রশ্ন করিও না দেব ।

যথার্থ উত্তর আমি নারিব দানিতে ।

শুধু কৃপা কর, এই ভিক্ষা চাই ।

আসিয়াছি যাহার আদেশে—

তপ :— (বাধা দিয়া) সে কথা এখন থাক ।

অগ্রে বল, কোথা গেলে পথের নির্দেশ ?

বিরূ :— সাধা নাই, তাহাও প্রকাশি ।

ক্রুদ্ধ হইও না প্রভু !

আমি দাস, মাত্র আজ্ঞাবাহী,

শ্রাম কি অশ্রাম, সে বিচারে নহি অধিকারী ।

তপ :— হলাহল কি হেতু মাগিছ ?

বিরূ :— যজ্ঞ হবে প্রভু ।

তপ :— (অত্যন্ত উত্তেজিত ভাবে) যজ্ঞ ?

বিরূ :— আমি তাই জানি ।

( তপস্বী কিস্তিক্ষণ দ্রুতকৃত্ত করিয়া রহিলেন, পরে কহিলেন )

তপ :— ভালো ! যজ্ঞার্থে যত্নপি মাগো,

নিশ্চয় মিলিবে ।

কিস্ত পূর্বে তার, বলিতে হইবে

কিবা যজ্ঞ, কোন্ যজ্ঞ, কোথা যজ্ঞস্থল !

কে লইবে ঋত্বিকের ভার,

কেবা হোতা, কেই বা উদ্গাতা ?

মহাশূন্য যজ্ঞ ইহা বলিলু তোমারে ।

সামান্য আধার, বিন্দুমাত্র সংবাতে ইহার

চূর্ণ হয়ে যাবে ;

কণামাত্র ক্রটীর পরশে ঘটিবে প্রলয় ।

অতএব সাবধান !

বিরূ :— সকলি অদ্ভুত !

তপ :— আমিও তাহাই বলি; সকলি অদ্ভুত ।

বিধাতার খেলা কি খেল্লাল, কিছুই বুঝিতে নারি

মনে হয়, নারী কোন নিয়োগ করেছে তোমা ।

আত্মা শক্তি জননীর কোন এক বিশেষ বিকাশে

গঠিত বাহার অংগ, হেন নারী কোন ...

( অবগুষ্ঠিতা উপদানবী প্রবেশ করিলেন, বলিলেন ! )

উপ :— হে তপস্বী ! লহ দেব প্রণাম আমার,

সত্য কহিয়াছ,

নারীদেহে আশ্রি এক আশ্রয় প্রকাশ ।

( তপস্বী বিস্মিত হইয়া বিস্ময়জন্য তাঁহার দিকে তাকাইয়া রহিলেন ; পরে বিহ্বল ভাবে আত্মশক্তির স্তব আবৃত্তি করিতে লাগিলেন ; গুণিতে গুণিতে উপন্যাসবীর গুণন খুলিয়া গেল । তিনি ভাবাবেশে মনমূর্তির স্থায় নাড়াইয়া ; দেহে এমন একটি জ্যোতিঃর উদয় হইল, বাহা শুধু অমুভবগম্য, বর্ণনার অগমপারের কথা । তপস্বী সত্যই তাঁহার দেহের মধ্য দিয়া আত্মশক্তি জননী-মূর্তির দর্শন পাইলেন, দর্শকের সম্মুখে মুহূর্তের জন্তও যদি সে দ্রুতের অবতারণা সম্ভব হয়, সেরূপ আয়োজন নাটকের রূপদানে সহায়তাই করিবে )

আত্ম স্তব

হং পরা প্রকৃতিঃ সাক্ষাৎ ব্রহ্মনঃ পরমাত্মনঃ ।

হৃতোজাতং জগৎ সর্বং হং জগজ্জননী শিবে !

মহদ্যাদনু পর্য্যন্তং যদেতৎ সচরাচরম্ ।

হ্রয়োবোৎপাদিতং ভদ্রে তদধীনমিদং জগৎ ॥

( তপস্বীর সাধারণ অবস্থায় ফিরিয়া আসিতে বেশ কিছুক্ষণ সময় লাগিল ; স্বস্থ হইবার পর বলিলেন )

ভূপঃ— মাগো !

যজ্ঞ হেতু বিষ, তুমি মাগিয়াছ ?

জানি না তোমারে, দেখিনি জীবনে,

কিন্তু কী যেন বিষয় লাগে !



মনে হয়,— থাক্ সেই কথা...  
 জিজ্ঞাসি জননি, এ কঠিন যজ্ঞকার্যে  
 বড় প্রয়োজন যোগ্য আধারের ।  
 দেখা কি পেয়েছ তার ?

উপ :— মনে লয় হেন ।

তপ :— বড়ই বিরল ।

কালের কটাহে চড়ি কল্প হতে কল্প চলে যান্ন,  
 বিধির ইচ্ছায় কোন্ এক অরণীর যুগে  
 হেন যোগ আসে ধরনীতে ।  
 হেন যোগী, এ হেন সাধক... ..  
 আজি কি সময় হ'লো ?  
 ইচ্ছা কি জেগেছে মনে তাঁর ?  
 কে বুঝিবে তাহা, কে জানিবে তাঁরে ?  
 সে যে এক, স্বতন্ত্র, স্বাধীন ।  
 অনুরোধ মাতা,  
 পরিচয় পথে কোন বাধা—

উপ :— ছিল । আর বুঝি রহে না আগল ।

মাতা বলি সম্ভাষণ করিয়াছ মোরে,  
 পরিচয় নিজ হ'তে গড়িয়া উঠেছে  
 এক নিবিড় সম্পর্কে ।  
 গোপনের স্থান কোথা আর ? বিরূপাক্ষ !

(ইংগিত করিলেন, বিরূপাক্ষ বলিলেন)

বিরূ :— দানব সম্রাট বীর হিরণ্যাক্ষ পত্নী  
 দেব সম্মুখে তোমার !

( এই কথা শুনিবামাত্র তপস্বীর অদ্ভুত পরিবর্তন । তিনি উন্মাদের মত বলিয়া উঠিলেন )

তপ :— গুরু, গুরু, গুরু !

গুরুপত্নী তুমি মোর ।

( উপদানবীর পদপ্রান্তে লুটাইয়া পড়িলেন । উপদানবী ও বিরূপাক্ষ উভয়েই বিস্মিত ও স্তম্ভিত )

জননি গো ! সস্তানে আশীষ দাও ।

কত ভাগ্য, হেরিলাম শ্রীচরণ আজি ।

দেখাইল ঐ রূপ যে ছুটি নয়ন,

ইচ্ছা করে, সে আমার নয়ন দুটিরে

পূজা করি আমি ।

আহা হা ! নয়ন বাহার নাই,

কিছু নাই, কিছু নাই তার ।

উপ :— বিস্মিত করিলে মোরে ; তিনি গুরু তব ?

তপ :— কেহ নাহি জানে ।

শুনাইব ইতিহাস মাতা যদি আজ্ঞা কর ।

উপ :— বল বৎস ! শুনিতে উৎসুক বড় ।

তপ :— গত বহুদিন ! সংসারের সহস্র আঘাত,  
তীব্রতম বেদনার ভার, অসাড় করিল যবে,  
জীবনের অসারতা বুঝিয়া সেদিন,  
পথের নেশায় মাতা বাহিরিছু পথে ;  
গত বহুদিন !...

তারপর, উদ্ভ্রান্ত অধীর রূপে

উন্মাদ ভ্রমণ, বৃথা পর্য্যটন, কতদিন ধরে ;

জীবনের আর এক পর্য্যায় ।...

শেষে এই স্থানে,  
 আজ যেথা মাতাপুত্রে মিলেছি দুজনে,  
 ঠিক এই স্থানে পাইলাম পথের সন্ধান,  
 পথ চলা হলো অবসান ।  
 নবজন্ম লভি হেরিলাম জ্যোতির জগৎ,  
 গুণিলাম শান্তির সংগীত ।

উপ :— বিচিত্র জীবন তব !

তপ :— “সবই যে তাঁহার চিত্র,  
 সকলের চিত্র লয়ে—  
 সেই এক অদৃশ্য শকতি,  
 পুঞ্জীভূত আলোকের রাশি  
 জলে, নেভে আপনার আনন্দ বিলাসে,—  
 আমার সকল সত্ত্বা, সকল চেতনা  
 তাঁহারই রচনা”....  
 বেদমন্ত্র হতে বহুগুণ শক্তিশালী  
 সেই কথা গুনিহু প্রথম ।  
 জীবনে প্রথম যার পদতলে লুটাইহু শির,  
 তিনি গুরু মোর, তিনি স্বামী তব ।

উপ :— তাঁহার সাধন কথা বলিতেন মোরে,  
 হেথাকার কথা তাঁরই পাশে শুনেছিহু আমি ।  
 তবে বড়ই বিস্ময় জাগে—

তপ :— বল মা জননি । এ জগতে সকলই বিস্ময় ।  
 বিস্ময় তাঁহার রূপ, বিস্ময় তাঁহার গুণ,  
 বিস্ময় তাঁহার রস ।  
 যার মাঝে বিস্ময়ের জাগে অমুভূতি,

বিশ্বের সমগ্র রূপ ধরা দেয় নয়নে তাহার ।

উপঃ— অরুণ্যানী ভরা এই দুর্গম পর্বত প্রান্ত

অতিমাত্র প্রিয় ছিল তাঁর ।

কতবার বলিতেন মোরে,

‘একদিন ল’য়ে যাব তোমা,

দেখাইব পরম বোগীরে, গুরুকল্প তিনি মোর’ ।

( দাধু মহাসম্মানে শিরোপরি হস্ত তুলিয়া বলিলেন )

তপঃ— গুরু-গুরু,-গুরু !

আদর করিয়া মোরে করিতেন গুরু সম্ভাষণ ।

কিন্তু আমি জানি. গুরু, গুরু তিনি মোর ।

থাক্ সেই কথা, —ও বড় কঠিন ঠাঁই,

বেথানেতে গুরু শিষ্যে কোন্ ভেদ নাই ।

বল ত’ জননি ! মহাবিষ কেন চাহ তুমি ?

উপঃ— একদিন, ...গভীর রজনী ।

নিদ্রাভঙ্গে সহসা ডাকিয়া মোরে বলিলেন তিনি,

“শোন রাণি ! যদি কভু আসে হেন দিন,

আমারে দেখিতে নাহি পাও,

যেদিকে তাকাও, শুধু পরাজয়,

জয় আশা যেন চিরতরে বিচ্ছিন্ন তোম্বাতে,—

তুনি জান মোর গোপন সে সাধনার স্থান ;

সেথা গিয়ে গুরু সন্নিধানে মোর

হলাহল লইবে মাগিয়া ;

উগ্রবিষ শত্রু পরে করিবে প্রয়োগ ।

পরশে তাহার মহাবিষ অমৃতের রূপ যদি ধরে,

জানিহ নিশ্চয় শত্রুরূপে সত্যের প্রকাশ সেথা ।

সত্যরূপী তিনি । তাঁর পাশে পরাজয়,  
 গৌরব তোমার, গৌরব আমার ।  
 অসংকোচে 'জয়' দিরা তাঁরে... ..  
 কে ? কে ? 'জয়' নাম কে ধ্বনিল কানে ?  
 তুমি ? কে তুমি রমণি ?"  
 আমাকেই সম্বোধন করিছেন তিনি,  
 দৃষ্টি ভিন্নদিকে ।  
 নির্ঝাঁক নিষ্পন্দ পার্শ্বে দাঁড়াইয়া আমি,  
 সাধা নাই কোন কথা শুধাই তাঁহারে ।  
 সেই একদিন... ..

তপ :— তারপর, তারপর মাতা !

উপ :— তারপর আরও অদ্ভুত ।

আমার অস্তিত্ব কথা মনে নাই তাঁর ।

শব্দায় শব্দন করি

সেইক্ষণে লভিলেন সৃষ্টির আশ্রয় ।

তপ :— বুঝেছি জননি, সমাধির রূপ ইহা এক ।

উপ :— সমাধির রূপ ?

তপ :— ধ্যানের গভীর তলে ভবিষ্যের ছবি দরশন

কখনও কখনও হয় ।

বাহিরেতে বাণীরূপে প্রকাশ তাহার,

হয়ত' বা হয় ! কে করে নিশ্চয় ?

সে কথা এখন নয়,

জিজ্ঞাসি জননী, শত্রু হেন দিবেছে কি হানা ?

অথবা তাই বা জিজ্ঞাসা কেন ?

বিষ লাগি আসিয়াছ যবে, প্রশ্ন কেন আর ?

এই লও ফল, শত্রুমুখে নির্ভয়ে তুলিয়া দাও,  
যজ্ঞ ফল লভুক তোমাতে ।

(তপস্বী হস্তস্থিত ফলটি লইয়া কিয়ৎক্ষণ ধ্যানের ভঙ্গীতে দাঁড়াইয়া রহিলেন ও সর্পের গ্রাস 'হিস্ হিস্' শব্দ করিতে লাগিলেন । পরে ঐ ফলে একটি কামড় দিয়া চক্ষু মুদ্রিত অবস্থাতেই বলিতে লাগিলেন, স্বরে অস্বাভাবিক গাঙ্গীয়া )

বাসুকি নিঃশ্বাসমাখা, তীব্রজ্বালাভরা  
ধর এই ফল ।

( উপদানবীর ইংগিতে বিরূপাক্ষ কম্পিত হস্ত পাতিলেন । ফলটি তাহার হাতে পড়িল, সাধু নিমীলিত নেত্রেই বলিয়া চলিলেন )

জিহ্বাতে পরশমাত্র জীবনের হ্রসে অবসান ।  
নিষ্কৃতির কোন পথ নাই ।  
স্থির রহে বাসুকি দংশনে,  
হেন শক্তি জগতে তুলভ ।  
যাও ! মা বাসুকি উদ্গ্রীব আকুল আজি  
হেরিতে সে সাধক প্রবরে,  
যে তাঁহারে সুখ সম অংগেতে মাখিতে পারে ।  
যাও, চলে যাও সমুখ হইতে !  
শীঘ্র যাও, নহে ভয় হয়ে যাবে ।

( উপদানবী ও বিরূপাক্ষ সহসা সাধুর এই ভাবপরিবর্তনে বিম্বিত ও ভীত হইয়া মুখ চাওয়া চাওরি করিতে লাগিলেন, পরে যেন পলাইয়া প্রাণরক্ষাই শ্রেয় বিবেচনায় দ্রুতপদে প্রস্থান করিলেন । )

সামু সেই একই ভাবে কিয়ৎক্ষণ দাঁড়াইয়া থাকার পর  
যেন সস্থিৎ ফিরিয়া পাইলেন ও ইতস্তত দৃষ্টিপাত করিয়া  
কাহাকেও দেখিতে না পাইয়া আপন মনে বলিলেন )

সকলই অদ্ভুত !

শেষ কোথা নাহিক' ঠহার !

শেষে কিনা নাগ রাজ্যে ?

হা ! হা ! হা !

আর কত রাজ্য আছে তব

বলত' অনন্ত দেব ?

( ধীরে ধীরে স্বীয় গুহাভিমুখে গমন করিতে লাগিলেন,  
পদা পড়িয়া গেল )

## ষষ্ঠ দৃশ্য

দৃশ্য সংকেত :—গুরুাচার্যের আশ্রম । একটি কুটিরের  
দক্ষিণে বারান্দায় একখানি ব্যাঘ্রচর্মের উপর বসিয়া আছেন  
আচার্যদেব, পদতলে হিরণ্যকশিপু, তাঁহার অতি সাধারণ  
বেশভূষা )

হিরণ্য :—বড় শ্রাস্ত, বড় ক্লান্ত

আমি দেব মমের সংগ্রামে ।

তুষিত আগ্রহে ব্যাকুল হৃদয় মোর,

তোমাতে চাহিতেছিল অতি সংগোপনে ।

হে গুরু ! দেখাও আমারে পথ,

কণ্ঠবোর দাও হে নির্দেশ ;

পথহারা দিশাহারা আমি চলিতে চলিতে ।

গুরু :— কেন বৎস উতলা এমন ?

মহা ভাগ্যবান তুমি, ত্রিলোক ঈশ্বর,

সুরাসুর যক্ষরক্ষ আদি যত সৃষ্ট জীব

হতমান প্রভাবে তোমার—

হিরণ্য :—প্রভু ! হিরণ্যাক্ষ—

গুরু :— জানি বৎস ; শুনিয়াছি সব ।

সাক্ষ করি তীর্থ পর্যটন, কল্যাই কিরেছি আমি,

তোমার বারতা সর্বাগ্রে জেনেছি ।

মরিন্নাছে হিরণ্যাক্ষ, প্রাক্তন তাহার ;

তার তরে শোক কিবা ?

জানী তুমি, সর্বশাস্ত্রে পূর্ণ অধিকার—

হিরণ্য :—প্রভু ! মৃত্যুতে কান্তর নহি আমি ।



ত্রিভুবন জয়ী শূরে বধিল বরাহ,  
 তাহাও সহিতে পারি ;  
 কিন্তু বলে কিনা, বরাহের রূপ ধরি  
 বধিয়াছে তারে বিষ্ণু নারায়ণ ?  
 অশ্রদ্ধেয় হেন কথা কেমনে সহিব দেব ?  
 আমি জানি, পূজা করি,  
 শিখিয়াছি তোমারি সকাশে গুরু,  
 নারায়ণ নিষ্ক্রিয় সতত, নিষ্কাম, নিগুণ ।  
 এক মুখে ক্রিয়াহীন; অগ্র মুখে ক্রিয়ালীল ।  
 হেন যুক্তি কোনমতে মনে নাহি লয় ।  
 সন্দেহ ঘুচাও প্রভু ! তত্ত্বদর্শী তুমি,  
 সৃষ্টিতত্ত্ব একমাত্র তোমাতে বিদিত ।

শুক :— বিবম সমস্তা বৎস ।

উত্তর ইহার একমাত্র হৃদয়ে তোমার ।  
 হেন গুরু উপদেষ্টা জন্মে নাই আকৃত,  
 তর্কের প্রভাবে কিম্বা বুদ্ধির বিচারে  
 ঈশভাব করে সমাধান ।

হিরণ্য :—সন্দেহের বশে ছুটিলাম সুদূর মন্দরে ।

করিলাম পণ, যত দিন না পাই সন্ধান,  
 হরিগুণ গান ধরা হতে করিব বিলোপ ।  
 তপের প্রভাবে প্রায় অমরত্ব করিয়া অজ্ঞান  
 ফিরিলাম গৃহে ।

নিষ্ঠুর প্রহার এলো সংকল্পে আমার,  
 অযাচিত, অপ্রার্থিত, অসম্ভব রূপে ।

শুক :— অদ্ভুত ঘটনা !

হিরণ্য :— শুধু কি অদ্ভুত ? অচিন্তা কাহিনী !

পুত্রমুখে শুনিলাম হরিনামধ্বনি । বুঝিলাম,  
প্রতিদ্বন্দী মোর আশা হতে চতুর কুশলী ;  
অজ্ঞাতে আমার পুত্র অস্ত্রে বধিয়া গিয়াছে মোরে  
কিন্তু দাস্তিক দানব আমি,  
কাতর না হই কভু সামান্য প্রহারে ।

শুক্র :— শুনিয়াছি বীর, প্রহ্লাদের কথা ।

হিরণ্য :— সেই সে প্রহ্লাদ, স্কুমার শিশু,  
'পিতা' বলি আসিল সম্মুখে ;  
পুলকে অবশ তনু, বুকে তুলে নিলু ।  
আশ্চর্য্য হে শুক্রে, হরিনামে দংশিল বালক ।  
মিষ্ট বাণী, কঠোর ভৎসনা, নিষ্ঠুর তাড়না,  
সব বার্থ হলো, ক্ষুদ্র এক বালকের পাশে ?  
বলে, হরি সখা তার—

শুক্র :— বিস্মিত করিলে মোরে অপূর্ব সংবাদে ?

হিরণ্য :— বিস্ময় বিস্মিত হই শুনিলে সে কথা !  
ঘাতকের খড়্গমুখে দিলাম বালকে,  
বিভীষিকা হেরিল ঘাতক,  
খড়্গ তার চূর্ণ হলো শিককণ্ঠে লাগি ।  
মহাকায় উন্নত বারণ পৃষ্ঠে লয়ে নাটিল আনন্দে !  
সুখাধারা মত হলাহল করিল আবাদ ।

শুক্র :— (মহা আগ্রহভরে) কোথায় প্রহ্লাদ ?

একবার দেখিব তাহারে ।

হিরণ্য :— হস্ত' বা ঐ পরশারে,

অগ্নি যদি নাহি ভুলে স্বকার্য আপন ।

শুক্ল :— (বিস্মিত হইয়া) সে কি ?

হিরণ্য :—দানবেব অভিমান, দানব গোরব

পরাজিত করিবে বালক ?

একমাত্র অস্ত্র তার হরিণাম গান, দুর্ভেদ্য কবচ,

দেখি সর্বভুক পারে কিনা দহিতে সে বাণ ?

( অদূরে কুটীর বাহিরে সঙ্গীত শ্রুত হইল । কশিপু  
উৎকর্ণ হইয়া বলিলেন )

কণ্ঠস্বর পরিচিত মোর, শুনিয়াছি মন্দর কন্দরে !

কে আছ ওখানে ?

( জনৈক আশ্রমবাসীর প্রবেশ )

ঐ যে গাতিছে গান, জনৈক বিদেশী,

সমাদরে লয়ে এসো হেথা ।

( আশ্রমবাসীর প্রস্থান । বাহিরে তখন গীত চলিতেছে,  
উভয়ে শুনিতেছেন ; শুনিতে শুনিতে কশিপু বলিলেন—  
গীতের মধ্যেই কোন এক অবসরে )

অরুণ রেখা জদয় মাঝে ফুটবে কবে ভাই ?

মনের আঁধার যুঁচে যাবে তাই ভাবি সদাই ।

মান অভিমান দূরে ধাবে

প্রেমের পরশমণি পাবে

শরণ নিয়ে ধন্য হবে তাঁহার রাঙা পায় ॥

প্রভু !

নীলব সাধক এক, প্রচ্ছন্ন, গম্ভীর,

জানমনে গাহিত সঙ্গীত ;

বিমোহিত চিত্ত গুণিতাম অপার আনন্দে ।

( গীত কর্ত্তেই সাধুব প্রবেশ । গীতান্তে কশিপু মহা-  
সাগ্রভে এ সমাদরে তাঁহাকে অভ্যর্থনা করিলেন )

এস, এস মহাত্মন !

বহু ভাগ্য রেখেছ স্মরণে ।

কৃতার্থ এ দাস, পবিত্র এ দেশ

সাধু :— নমস্কার করি হে রামন !

আশ্রিত্য হেরিতে তোমার ।

হিরণ্য :—বহু পুণ্যবলে—

সাধু :— (বাস দিয়া) নহে পুণ্যবলে, কার্য্যশ্রোতে ।

তত্ত্বত' বা বিধির ইচ্ছান্ন, হনুত' বা ..

(অধিনিষ্ঠা গুরুাচার্য্যকে দেখিয়া কশিপুকে প্রণ করিলেন)

সম্মুখে আমার ।

হিরণ্য :— আচার্য্য ভার্গব, গুরুদেব মোর ।

সাধু :— প্রণতি, প্রণতি দেব !

গুরু :— প্রণাম হে যতিবর ।

( উভয়ে নমস্কার প্রতিনিমস্কার করিলেন )

সাধু :— উদাসীন, কিরি ইচ্ছামত ।

তলো সাধ, দৈতারাজে হেরিতে বারেক ।

কৌতুহল জাগিল হৃদয়ে,

অটুট সংকল্প ভবা শক্তি একদিকে,

বিশ্বনাশী বিষ্ণুমায়ী খেলে অন্তদিকে,

এ দুয়ের সমন্বয়, অপূৰ্ণ বিশ্বয়,

কি কোশলে হবে সমাধান ।

গুরু :— সাধু, সাধু হে মহান ! সুন্দর বিচার-তথ্য

জগতের কার্য্যাকাৰ্য্য বত,  
 দেখিতে যে পারে এই মত, সুখী সেইজন !  
 শান্তির পিধানে সদা শয়ন তাহার ।  
 ক্রোধ নাই, লোভ নাই, হিংসা নাই  
 নাইক' বিদ্বেষ ।  
 বড় তৃপ্তি দর্শনে তোমার ।

মাধু :— বল মহাত্মন, ক্রোধ কোথা পাব ?  
 তুঙ্গ গিরিশৃঙ্গ পরে,  
 হেরিরাছি কত শত তপস্বী পুঙ্গব, ...  
 ঋষিমূর্তি হেরিছু তোমার ...  
 দৃষ্ট তেজে দানব ধরিতে চার সূমহান্ প্রেমে ...  
 কারে ? কেহ নাহি জানে । ...  
 আমি নিজে, উদাসীন বেশে ফিরি দেশে দেশে  
 নাহি জানি কাহার উদ্দেশে । ...  
 বিচারের নাহি যে সময়,  
 বিবাদের নাহি অবসর ।  
 চলিরাছি বিধির বিধানে,  
 কি স্বা হবে প্রকৃতি নিয়মে ;  
 এ চলার নাহি অবসান ।  
 দোষ যদি দিতে হয় কা'রে,  
 ক্রোধ যদি ওঠে মনোমাঝে,  
 হিংসা যদি বসে মম'স্থলে,  
 সব বিষ ঢেলে দিব চরণে তাঁহার  
 যিনি নিদান ইহার ।

তিরণ্য :— হে মাধক !

আমি বলি, জড়ের লক্ষণ ইহা ।

নিদারুণ শেল বক্ষের মাঝারে

করে বাবে নিষ্ঠুর প্রহার,

সে বাথার জালা মহি হাসিমুখে, জন্ম দিব তাঁর ?

চূর্ণলতা !

চূর্ণিল মস্তিষ্কের শূণ্যগর্ভ অসার কল্পনা ।

সবই যদি তাঁর ইচ্ছাধীনে, কার্য কোথা মোর ?

বুথা তবে শক্তির সাধনা ?

বুথা তবে ভক্তির ভাবনা ?

বুথা তবে প্রেমের প্রেরণা ?

সৃষ্টির প্রবাহ,

থেমে বাবে শুধু এক অনর্থক উন্মাদ নর্তনে ।

মাধু :— ক্ষুদ্র জীব !

সৃষ্টির প্রবাহ নহে এগন ভঙ্গুর, এতই সরল,

ক্ষুদ্র বুদ্ধি, অন্ধ শক্তি দিয়ে

পরিমাণ করিবে তাহার ।

( কোলাহল করিতে করিতে দ্রুতবেগে শব্দ, নমুচি  
প্রভৃতি সেনানীগণের প্রবেশ । ভয়, বিস্ময়, হতাশা প্রভৃতি  
নানাভাবে ভাবিত সকলে, হিরণ্যকশিপু তাহাদের  
এতদবস্থার দেখিয়া অভিযাত্রায় বিরক্ত হইয়া বলিলেন )

হিরণ্য :—উন্নত কি হয়েছে শব্দ ?

পদ্মপাল প্রায় সেনাদল লয়ে,

কোথা হতে আসিলে হেথায় ?

কেন বা আসিলে ?

শব্দ :—( হাঁফাইতে হাঁফাইতে ) প্রভু ! অদ্ভুত—

হিরণ্য :—হাঁ হাঁ, জানি আমি ।

দানবের দর্শ ভেদ করি,

ফুটিয়াছে অদ্ভুত 'অদ্ভুত এক' ।

অস্ত্র নাই অদ্ভুতের বক্ষে প্রহারিতে ?

ধিক্ ধিক্ সবে !

এই সৈন্ত, এই সেনাপতি মোর !

শুরুদেব ! রাজ্যে মোর নাই প্রয়োজন ;

অক্ষম, দুর্বল আমি ।

শুক্ল :— কেন বৎস বিচলিত এত ?

শান্ত হও, শান্ত হও ।

( শব্বরের দিকে ফিরিয়া দ্বিধাস্বরে আচার্য্য বলিলেন )

শব্বর !

শব্বর :— অদ্ভুত ঘটনা প্রভু !

লেলিহান ধব্ ধব্ জ্বলে অগ্নিশিখা,

মহাধূম উঠে অনশ্বরে ;

নয়ন ঝলসি যায় তীব্রতম আলোক সম্পাতে ।

ক্ষুদ্র শিশু হাসিমুখে নমিল বহিরে ।

কত তারে বুঝানু কাতরে ;...

বলে, বহি নয়, বহি নয় ;

বাছ মেলি হরি তারে ডাকেন আদরে ।

অকাতরে ঝাঁপ দিল কুণ্ডের ভিতরে ।

শুক্ল :— ( শিহরিয়া ) সর্বনাশ ! তারপর ?

হিরণ্য :—(সোল্লাসে) তবে ? এতদিনে মরিল প্রহ্লাদ ?

সঙ্গে সঙ্গে তার হরিনাম...অরিনাম গান !

ওহো ! আনন্দ অপার !

ধন্য তুমি, ধন্য হে শব্দর !

কাতর কি হেতু ? মরিয়াছে দানবের অরি ।

শব্দর :— কিন্তু কোথা হতে ওঠে ওই ধ্বনি হরি হরি ?

ভাবিলাম ভ্রম, শ্রবণে বিভ্রম মোর,

চাহিছু পশ্চাতে !...

দেখি নাই, দেখিব না, যে দৃশ্য হেরিছু ।

( সকলেই শ্রবণের আগ্রহে নিস্তব্ধ, শব্দর বলিলেন )

উপহাস করোনা দাসেরে । সাক্ষী কোটিজন ;

কোথা বহি ? কোথা তার আলা ?

মহানন্দে প্রহ্লাদ করিছে সেথা থেলা ।

হাঁ, জীবন্ত প্রহ্লাদ ...

বৈশ্বানর পরশ লভিয়া,

কিশোর গৌর তনু জ্যোতির্ময় যেন ।

ভাবাবেশে মগ্নিত বদনে মুহুমূর্ছ করে হরিনাম ।

সহস্র দর্শক, কেহ বা ইচ্ছায়, কেহ অনিচ্ছায়

মহারোলে হরিনাম গাহিয়া উঠিল ।

হিরণ্য :— ওঃ ! মম ঘাতী পরাজয় ।

পুনরায়, পুনরায়—

শব্দর :— ছিল এ প্রতিজ্ঞা দৈত্যরাজে জয় দিব আমি

বধিয়া বালকরূপী দানবের রিপু ।

রক্ষিতে যে পণ, দানবের মান,

অজ্ঞা দিহু, বৃহৎ পাবাণ খণ্ড

শিশু বক্ষে চাপাইতে বেগে ;

যতক্ষণ, যতক্ষণ শ্বাসরুদ্ধ কর্তে তার—

হিরণ্য :—(সোল্লাসে) সাধু, সাধু দৈত্যবীর !



পরম সন্তুষ্ট আমি কোশলে তোমার ।  
 নিষ্পেষিত মৃতদেহ তার,  
 নগরের চারিদিকে দেখাও সকলে ;  
 বজ্রকণ্ঠে করহ প্রচার, হরিনামে এই পরিণাম ।

শব্দর :— বৃহৎ সে পাষণ ফলক,  
 মহাকায় ভূধরের প্রায়,  
 সহস্র দানব রাখিতে পারে না ভার,  
 শিশুবক্ষে করিল প্রহার ।  
 আধার, আধার চারিধার ।...  
 সূর্য্যের আলোক সহসা গ্রাসিল কিবা রাত ৭  
 নহে মিথ্যা ! সত্য, সত্য, সত্য !  
 ত্রিসত্য করিলাম আশ্রম ভিতবে ।  
 নহেক' কল্পনা, আখির বিক্রম নয়,  
 বৃহৎ ভূধর উড়ে শূণ্যদেশে,  
 ঢাকিয়াছে সূর্য্যরশ্মিজাল ।

( হিরণ্যাকশিপু স্থির হইয়া গুনিলেন, পরে কিয়ৎক্ষণ  
 উন্মত্তবৎ পরিভ্রমণ করিতে করিতে বলিলেন )

হিরণ্য :—বৃহৎ ভূধর উড়ে শূণ্যদেশে !

শূণ্য দেশে...শূণ্য...

( সহসা সাধুর দিকে ফিরিয়া বলিলেন )

হে উদাসী ! বহুশ্রমে আসিয়াছ কেহিতে বিন্ময়,  
 হতাশ না করিব তোমায়ে ।  
 গুনিয়াছ, বৃহৎ ভূধর উড়ে শূণ্য দেশে,  
 তীক্ষ্ণ বাণ দেখ নাই খান খান করিতে তাহারে ।  
 এস এস, যদি ইচ্ছা থাকে,

হেরিতে সে অপূর্ব কৌতুক ।

( উন্মত্তবৎ টলিতে টলিতে প্রস্থান । শব্দ, নমুচি  
প্রভৃতি সেনানীগণ পশ্চাদ্ভ্রমসরণ করিলেন । রহিলেন শুধু  
আচায়েদেব ও সাধু । সকলে চলিয়া যাইবার কিছু পরে  
সাধু বলিলেন )

সাধু :— নাহি জানি, কী অপূর্ব প্রেমের বিকাশে  
অভিলাষ করেন শ্রীহরি ?  
হৃজয় দানব, রোষভরে ছুটিয়াছে সত্যের সন্ধানে ।

শুক :— (মহাবিরক্তি ভরে) সত্যের সন্ধানে ?  
তার চেয়ে বড়, ছুটে ধ্বংসের গহ্বরে !  
হেন দর্প ? হেন অভিমান ? হেন ?...

সাধু :— ভকতের অভিমান, চিরদিন,  
চিরকাল অন্ধতার ভরা, হেন ভয়ংকর ।  
মম' যবে সন্দেহেতে উঠে ব্যাকুলিয়া,  
হৃদি যবে সত্যেরে জানিতে চায় নিজ শক্তিবলে,  
সাধ্য নাই জীব তার করে প্রতিরোধ ।

শুক :— কি কহ সাধক ?  
সর্বশাস্ত্র শিখায়েছি তারে,  
থুলে দিছি জ্ঞানের ভাণ্ডার ।

সাধু :— শাস্ত্র মুক সেথা, জ্ঞান হতবাক ।  
আমি দেখিয়াছি দেব, এক চিন্তে সঞ্ছিন্ন তাহার ;  
মুগ্ধনেত্রে হেরিয়াছি,  
প্রেমের অপূর্ব ছবি নয়নে তাহার ।

কামভঙ্গ্যকারী রুদ্র কোপশিখা,  
 এক চক্ষে জলে ধব্ধ ধব্ধ,—  
 অত্র চক্ষে অবিরাম প্রেমের নিব্বার ;  
 গোমুখী বিদারি যেন,  
 জাহ্নবীর পুতধারা স্বরে নিরন্তর ।  
 এক হস্তে তার বিশ্বনির্ণকারী উদ্ধামুখী শেল,  
 অত্র হস্তে জবা বিলদল চন্দনে চর্চিত ।  
 চরিত্র তাহার নীলাম্বুধি সমুদ্রেব প্রার,  
 উপরে তরঙ্গরাজি গরজে গভীর,  
 কিন্তু হৃদিতলে তার অমূল্য রতন,  
 উজ্জল বরণ, স্বরগের সুসমামণ্ডিত ।  
 ধত্তু তুমি দেব ! হেন শিষ্য গৌরব তোমার ।

শুক্ল :— নৃশংস এ অত্যাচার, অনাচার যত ...

সাধু :— হে ধীমান্ !

বাহিরের আচরণে মুগ্ধ হয়, অজ্ঞান যে জন ।  
 ভাবাতীত ভাবময় যিনি, ভাবমাত্র করেন গ্রহণ ।  
 কার্যের বিচার হয় একমাত্র ভাবের নিকষে ;  
 এ কথাত' অবিদিত নহে তব পাশে  
 বিস্মৃত কি হেতু দেব ?

শুক্ল :— ধত্তু তুমি সাধক প্রবর ! ধত্তু তব দৃষ্টির মহিমা ।

বহু ভাগ্য, হেন বদ্ধ পাইছ তোমারে ।

সাধনার শ্রেষ্ঠফল বাহ্য,—অহং বর্জন,  
 সর্বভূতে সমদৃষ্টি,—সর্ব রূপে তাঁহারে দর্শন,  
 অবিচ্ছেদে স্বরণ তাঁহার, ...  
 সত্য সত্য লভিয়াছ তুমি ।

কি বলিব তোমা ? দাও দাও আলিঙ্গনে ।

(উভয়ে আনন্দে আলিঙ্গনবদ্ধ হইলেন )

আঃ ! কৃতার্থ জীবন হোর !

( আলিঙ্গনমুক্ত উভয়ে পৃথক পৃথক আসনে বসিলেন ।

সাধ একটি গান ধরিলেন । শুনিতে শুনিতে আচার্য্যের চক্ষু মুদিয়া গেল ; তিনি সেই সঙ্গীত শ্রুতী আকণ্ঠ পান করিতে লাগিলেন )

ছুটে যা, ওরে ছুটে যা ।

তারে ধর'বি যদি আপনহারা ছুটে যা ।

বুকের মাঝে ধর'তে যদি

সাধ হয় মনে নিরবধি,

ছুটে যা'রে ক্ষাপা পাগল,

খুলে দে রে মনের আগল,

হাওয়ার আগে হা হা ক'রে ছুটে যা ॥

লুকোচুরি বুড়ির খেলা

করিস্নে ভাই তারে হেলা,

সকল খেলার যেথায় মেলা,

মিলেছে মিল পেতে হবে, ছুটে যা ।

ছুটে গিয়ে উচ্চত খেয়ে পড়'বিরে তুই বারে বারে

আবার উঠে আবার পড়ে ছুটে যারে ছুটে যা ॥

( সংগীত চলিতে থাকাকালীনই ধীরে ধীরে দৃশ্যের পরিদৃশ্য )

## সপ্তম দৃশ্য

দৃশ্য সংকেত :—দানবপুরী মাঝে হিরণ্যকশিপু প্রাসাদ-  
সংলগ্ন এক শিব মন্দির। ভিতরে স্থির মূর্তিতে বসিয়া  
আছেন কর্ণাধু; সম্মুখে তাঁহার শংকরের লিংগমূর্তি। দহসা  
শোনা গেল কর্ণাধুর বুকফাটা আত্ননাদ; স্বরে তেমন  
তীব্রতা নাই, তবে ভাবের ভারে যে বাণী বাহির হইতেছে,  
তাহা অতি ধীর, মধুর।

কর্ণাধু :—মহেশ্বর! হে দেব শংকর!

আর কতদিন প্রভু?

মরেছে প্রহ্লাদ,

এখনও কি জীবনের আছে প্রয়োজন?

এইবার টেনে লও প্রভু,

পাদপ্রান্তে স্থান দাও দাসীরে তোমার।

সহিতে পারি না জালা আর।

শাস্তি দাও প্রভু,

তুলে দাও মরণের কোলে।

( কিছুক্ষণ নীরবে কাঁদিতে লাগিলেন, পরে দীর্ঘশ্বাস  
ফেলিয়া বলিলেন )

নারায়ণ! নারায়ণ! নারায়ণ!

দাসীরে ভুলেছ, খেদ নাহি করি,

কিন্তু কেমনে তুলিলে প্রভু সন্তানে আমার,

সন্তানে তোমার? প্রহ্লাদ আমার

এ জীবনে জানিত না তোমা বই কিছু

চিরদিন কেঁদে গেল শুধু?

তব নাম ধরি নিশিদিন কঁাদিতু অঝোর,  
কোন দিন কোন বাধা মানিল না শিশু ;  
কোন মতে নাম না ছাড়িল ;  
রক্ষিতে নারিলে তারে দানবের কবল হইতে ?  
এই তবে পরিণাম ভক্তের তোমার ?  
এই তব বিধি ?

( কঁাদিতে লাগিলেন । নিঃশব্দ পদসঙ্কারে প্রবেশ  
করিলেন উপদানবী । কন্নাধু তাঁহার উপস্থিতি জানিতেই  
পারিলেন না, তিনি দীর্ঘশ্বাস ফেলিয়া বলিতে লাগিলেন )

যা করেছ তুমি, জানিতে চাহিনা আমি ।

তবে এই কথা জানাই তোমারে,—

আমারে টানিয়া লও, আমারে মিলাও প্রভু  
প্রহ্লাদের পাশে ।

( কঁাদিতে কঁাদিতে মাটিতে লুটাইয়া পড়িলেন ।  
উপদানবী অতি স্নেহভরে তাঁহার অঙ্গস্পর্শ করিয়া  
ডাকিলেন, “ভগিনী” বলিয়া । কন্নাধু শূণ্য প্রেক্ষণে তাঁহার  
দিকে চাহিয়া রহিলেন, উপদানবী বলিলেন )

উপ :— ভগিনী ! মোছ আঁখিজল ।

প্রহ্লাদ তোমার,

এখনই আসিবে হেথা বন্দিতে চরণ তব ।

এইমাত্র দেখিয়াছি তারে ।

ভক্ত সঙ্গে নাচিতে নাচিতে,

হরিনাম গাহিতে গাহিতে,

আসিছে সে গৃহপানে কিরে ।

(করাধু শূণ্য দৃষ্টিতে তাঁহার দিকে চাহিয়া কথা শুনিতেছিলেন, পরে অবিশ্বাস আসিল, কঁাদিতে কঁাদিতে বলিলেন)

করাধু:— পরিহাস করোনা ভগিনী ।

আমি জানি, তুষ্ট তুমি মরণে তাহার !

তাই বলি, জননীরে উপহাস, এ হেন সময়,

সাজে কি তোমারে ? তুমি যে রমণী ?

রমণীর, নমণীর, কমণীয় হৃদয় তোমার ?

হতে পারে জর্জরিতা তুমি পতির বিরোধে,

প্রতিহিংসা বিধে পরিপূরিতা অন্তর ;

তবু বলি, প্রহ্লাদের দ্বেষ করিও না !

তার দোষ, সে তোমার স্বামীহন্তা নামগান করে !

উপ :— দিদি !

প্রহ্লাদ তোমার বান নাম ধরে,

তিনি অখিলের স্বামী, আমার স্বামীরও স্বামী !

দেখিছ না, দানবের সহস্র তাড়না

বার্থ হলো নামের প্রভাবে !

অবার্থ প্রহ্লাদ মুখে হরিনাম গান ।

অমর প্রহ্লাদ, আমাদের সোনার প্রহ্লাদ !

(করাধু কণকালের জ্যেষ্ঠ দারুণ পুত্র শোক বিম্বিত হইয়া বিশ্বয়ে উপদানবীর মুখের দিকে চাহিয়া বলিলেন)

করাধু :—কি কহিছ তুমি ?

এ ভাষা ত' নহে দানবীর ?

তোমার কর্ণেতে আজ একি ধ্বনি শুনি ?

বিশ্বাসের বাণী যেন ফুটে তব মুখে ?

তবে কি, তবে কি প্রহ্লাদ মোর—

উপ :— এখনই আসিবে হেথা ।

আমারে বিশ্বাস কর ভাই, প্রহ্লাদ মরেনি ;

মরিতে পারে না সে, মরিতে জানে না সে ;

সে যে মরিয়াছে হরিনাম রসে ।

সে যে হরি হয়ে গেছে !

হরি কি মরিতে পারে ?

( বলিতে বলিতে কাঁদিয়া ফেলিলেন )

করাধু :— কাঁদ তুমি হরিনাম ধরে ?

একি এ অদ্ভুত !

উপ :— সকলই অদ্ভুত দেবি !

নহে দানবের ঘরে. দানব গুরসে, জন্ম নেয়

হরিভক্ত ছেলে, আমাদের প্রহ্লাদের মত !

করাধু :— সত্য কহিতেছ,

হেরিলে তাহারে তুমি ; আসিছে এদিকে ?

স্তোক নহে ?

আমি ভাগ্যহীনা, গৃহশীর্ষে দাঁড়াইয়া দেখিছু,

কঠিন রজ্জুর পাশে বদ্ধ হস্তপদ,

গলেতে বৃহৎ শিলা,

প্রহ্লাদে লয়ে গেছে উচ্চ গিরিচূড়ে ,

নিম্নে তার দেখিয়াছ, নিরন্তর গর্জ্জছে জলধি,

উত্তাল সমুদ্র যেন সমগ্র সৃষ্টিরে লয়ে

গ্রাসিবারে চাহিতেছে নিজ গর্ভ মাঝে ।

দূর হতে দেখিছু বালকে, নিষ্পন্দ, নীরব ;

সহস্র দানব পশ্চাতে তাহার,



ইংগিতের আছে অপেক্ষায়,  
কখন ঠেলিয়া দিবে মরণোন্মি মাঝে ।...  
দেখিতে নারিছ আর,  
মুচ্ছা আসি ঢেকে দিল নয়নের দ্বার ।  
তারপর, কিছু নাহি জানি ।

উপ :— তারপর আমি জানি দেবি ।

পৈশাচিক উল্লাসে মাতিয়া,  
সেই সব দানবে মিলিয়া  
প্রফ্লাদে ঠেলিয়া দিল সাগরের বুকে ।

(দৃশ্যটির ভীষণতার কল্পনায় ও উপদানবীর স্থিরস্থরে  
বলিবার ভঙ্গিমায় কন্নাধু আতঁচীৎকারে বলিয়া উঠিলেন)  
কন্নাধু :— উঃ ! নারায়ণ ! নারায়ণ !

আর কেন প্রভু ?

(শোকভারে নীরবে কাঁদিতে লাগিলেন, পরে কণক্লিৎ  
সুস্থ হইয়া উপদানবীকে উদ্দেশ্য করিয়া বলিতে লাগিলেন,  
কণ্ঠে নিদারুণ বেদনার সুর )

তারপর, তুমি এলে, মিথ্যার প্রলেপ মাথা  
মান্তনার জ্বালা দিতে পুত্রহারা জননীর বুকে ?  
তুমি কি পাষানি ?

(দূর হইতে সংগীত ধ্বনির শ্রাব্য এক শব্দ ভাসিয়া আসিল,  
অতি অস্পষ্ট ! উপদানবী উৎকর্ষা হইয়া বলিলেন)

ঐ বৃষ্টি আসিছে বালক ?

শুনিলে কি দিদি কোন সংগীতের ধ্বনি ?

(সংগীত কিছুটা স্পষ্ট হইল । উভয়েই চকিত হইয়া  
নিরুদ্ধ নিঃশ্বাসে শুনিতে লাগিলেন )

নিশ্চয় প্রহ্লাদ !

( বলিয়া উপদানবী ছুটিয়া বাহিরে গেলেন ও কণপরে  
কিরিয়া আসিয়া মহানন্দে বলিয়া উঠিলেন )

সতাই প্রহ্লাদ, মোদের প্রহ্লাদ,—

আনন্দে উন্মত্তপ্রায় গায় হরিনাম

সহস্র ভক্তের সাথে ;

নাচিতে নাচিতে শিশু আসে এই দিকে ।

( কল্পাধু বিহ্বল অবস্থায় কি বে করিবন, স্থির করিতে  
ন্যাপারিয়া সহসা উপদানবীর পদতলে মস্তক রাখিয়া প্রণাম  
করিতেই, উপদানবী ক্রমহস্তে তাঁহাকে উঠাইয়া বলিলেন )

কি কর, কি কর দিদি ?

কল্পাধু :—দানবী রে ! তোরে আমি ভুল বুঝিয়াছি ।

ক্ষমা কর মোরে !

উপ :— ও কথা বলোনা দিদি ।

তোমারই সন্তান বটে, গর্ভে ধরিয়াছ ;

ভুল নহে তাহা ; কিন্তু আমিও রমণী !

কল্পাধু :— জননি; জননি তুমি তার !

মাতৃদেহ, সব অহংকার,

অজ্ঞি হতে তোমাপরে করিহু অর্পণ ।

উপ :— মাতা হয়ে সন্তানে বধিতে,

করেছিহু কত আয়োজন, দেখিয়াছ তুমি !

মাতৃদেহ, নারীদেহ, সর্বধর্ম করি পরিত্যাগ,

কী কঠিন পথ লয়ে,

করিয়াছি কঠোর সাধন, দেখিয়াছ দেখি !

তাহার রহস্ত কথা শুনাবো তোমায়ে ।  
 শুনেছিলাম, হরিভক্ত মরেনা কখনও ;  
 তাহার রক্ষার তরে, অলক্ষ্যে সতত  
 নারায়ণ তার সাথে সাথে ফিরে ।...  
 আর এক কথা শুনেছিলাম, সে অতি বিচিত্র কথা  
 অত্যাচার, অবিচার, সীমারে ছাড়ায় যবে,  
 কিম্বা হবে, কালপূর্ণ হলে  
 ভক্তের রক্ষণকালে, ভক্তবাহীকল্পতরু,  
 দেহ ধরি আশনারে করেন প্রকাশ ।  
 সাধ ছিল মনে, বড় সাধ ছিল,  
 দেহধারী সেই নারায়ণে হেরিব নরনে ;  
 শাস্তি কিম্বা শাস্তি যাই হোক,  
 শির পাতি লব নির্বিচারে, তাঁরই কর হতে ।  
 আজি পূর্ণ, পূর্ণ,  
 পূর্ণ মোর মনস্বাম দেবি !

( এমন ভাবের ভরে কথাগুলি বলিতেছিলেন যে, কথার  
 অন্তর্নিহিত শক্তিটি তাঁহার দেহে প্রবেশ করিতেই দেহটি ক্ষুদ্র  
 ব্রততীরে গ্রাস কাঁপিতে লাগিল । কল্পাধু নির্বাক ।  
 অভিভূতের মত শুধু বলিলেন )

কল্পাধু :— একি কথা বল ?

উপ :— অদৃষ্টের এমনই বিধান,

হরিভক্ত হলো কিনা, বংশের সন্তান !

ব্যথা দিতে তারে, পারিত না,

কোন মতে পারিতনা জননীর প্রাণ ।

কিন্তু জননী পাষণী হয় যাহার ইচ্ছায়,

‘হের দেবি ভাহার কোশল !’...

স্বামীর মরণ শুধু মাত্র ছল ।

জালাময়ী স্মৃতিটুকু না থাকিত যদি,

সাধনা আমার হইত নিশ্ফল ।’...

বোঝ দেহি, করুণা ভাহার,

মরণের মাঝে, এমন মজল রাজে !’...

( উপদানবী চক্ষু মুদিয়া ভাবস্থ অবস্থায় কথা বলিতেছিলেন । তাঁহাকে দেখিয়া কন্যাধর ভয় হইল যে, সে এখনই পড়িয়া যাইবে । তিনি বলিলেন )

কন্যাধর :— দানবী ! দানবী !

কাঁপিতেছ তুমি ! বস এইখানে ।

উপ :— এই বসি ভাই ! উতল হইয়া তুমি ।’...

আমিও তোমার মত, ছিলাম দশক ।

পর্কতের চূড়া হতে পড়িল প্রহ্লাদ,

কিষ্কা মোর মাতৃবক্ষ হতে,

খসিয়া পড়িল ঘেন চৈতন্য আমার !

বুঝিতে নারিছু, চেতনা হারানু ।’...

জ্ঞানের উন্মেষ সঙ্গে, আখি মেলি দেখি—

( নীরবে চক্ষু মুদিলেন । নয়নের দুই পার্শ্ব বাড়িয়া অপ্রধারা করিতে লাগিল । কন্যাধর স্নেহস্পর্শে কাছে টানিয়া তুলিলেন । তিনি তাঁহার বুকে মুখ লুকাইয়া কিয়ৎক্ষণ কাঁদিয়া লইলেন, পরে ধীর গভীর স্বরে বলিলেন, সেই মুদ্রিত নয়নেই)

দিদি !

শুনিয়াছ, ‘নবীন নীরদ শ্রাম’ ;

দেখিয়াছ কভু ?

করাধু :— না ত' !

উপ :— ক্ষীরোদ সাগরে ভাসে

সুকুমার প্রহ্লাদ আমার, পদ্মপত্র পরে ।

সে কি করণমু তীর ?

শিরোদেশে তার,

শ্রেরাননে, উজ্জলবরণে, বারিবক্ষ মাঝে

কে যে বিরাজে ? চক্ষে না হেরিলে !”

কি বলিব তোমা ?

বৈকুণ্ঠবিহারী যারে কয়, সে যদি তাহাই হয়,

তবে ত'ারে বৈ, আর কিছু দেখিবার নাই ।

তারপর, আর মোর কিছু মনে নাই ।

জ্ঞান পাই শুনি হরিনাম ।

দেখিলাম প্রহ্লাদে আমার,

সর্ব অঙ্গে ঙ্গাদিনী প্রবাহ বহে,

মধুকণ্ঠে হরিনাম গাহে,

সঙ্গে তার”

( সংগীতধ্বনি আরও নিকটে আসিয়া থাকিয়া গেল ।

প্রবেশ করিলেন প্রহ্লাদ । তিনি উভয় জননীকে প্রণাম করিলেন । করাধু নিভান্তই সংস্কার বশে বিহ্বল ভাবে তাহার শিরশ্চূষন করিয়া আশীর্বাদ করিলেন ; দৃষ্টি শূন্যতা ভরা । উপদানবীও হতবুদ্ধির মত দাঁড়াইয়া ; তাহার দৃষ্টিতে একটি অনুসন্ধিৎসার আভাষ ; ভাবটি বোধ হয় এই যে, পূর্বোক্ত দর্শন, এখনও সম্ভব কিনা ! প্রহ্লাদ আপন মনে প্রেমানে বিভোর থাকিয়াই বলিয়া চলিলেন)

প্রহ্লাদ :—মাগো !

হরি বুঝি ছিল এইখানে ? অঙ্গগন্ধ তার,  
 পাঠি বেন হেথাকার আকাশ বায়ুতে ?  
 কোথা গেল মাতা ? হরি গেল কোথা ?  
 তোরা বুঝি ডেকেছিলি তারে ?  
 ঐ ওর স্বভাব কেমন !  
 যে ডাকিবে, বখনই ডাকিবে, যাবে তার কাছে ।  
 ছোট বড় জ্ঞান নেই, ছুটে যাবে ডাকের পিছনে !  
 এমন অদ্ভুত পাগল মাগো, জগতে দ্বিতীয় নাই ।  
 শোন তবে এক গান গাই ।

( প্রহ্লাদ কাহারও উপস্থিতির দিকে লক্ষ্য না রাখিয়া  
 আপন মনে গাহিতে লাগিলেন )

হরি নামের তরী দয়া করি  
 এসেছে এই সংসারে ।  
 ভয় কিরে ভাই, আয় সবে গাই  
 নামটি হরির প্রাণ ভরে ॥  
 মায়া নদীর এপারে তুই,  
 হরি থাকেন ওইপারে  
 নাগের তরী পার ক'রে দেয়  
 মা'য়ের মত হাত ধরে ॥

(গাহিতে গাহিতে প্রহ্লাদ চলিয়া গেলেন । উপদানবী  
 ও কন্যাধু নিম্পলক নেত্রে তাঁহার গমন পথের দিকে চাহিয়া  
 রহিলেন ।

এ দৃশ্যটি শেষ করিবার জন্য পর্দা পড়িয়া গেল )

## অষ্টম দৃশ্য

দৃশ্য সংকেত :—হিরণ্যকশিপুর শয়নকক্ষ । কাল রাত্রি ।  
বহু মূল্য এক খটায় শাস্তিত, নিদ্রিত দৈত্যরাজ । সেই  
কক্ষে অপর এক খটায় নিদ্রিতা কন্নাধু ।

বাহিরে প্রবলবেগে ঝড় বহিতেছিল, মুহূর্মুহ বিজ্ঞাৎ  
প্রকাশ পাইতেছিল । মেঘের গর্জন শোনা যাইতেছিল ।

বহু নিশা নিদ্রাহীন হিরণ্যকশিপু আজ বহুদিন পরে  
ঘুমাইতেছিলেন । তিনি স্বপ্ন দেখিতেছেন, স্বপ্ন-জগতের  
মধ্যে আপনাকে দেখিতেছেন বৈকুণ্ঠে ; সম্মুখে চিরপ্রিয়  
ইষ্ট নারায়ণ । )

হিরণ্য :— ( স্বপ্নঘোরে ) এতদিনে পড়িয়াছে মনে ?

কত দিন ভুলেছিলে প্রভু ?

কতদিন সেবি নাই চরণ তোমার ?

গোলোক ছাড়িয়া কোথা কোন্ লোকে,

কোন্ স্বপ্নপুরে ছিহ্ন এতদিন আচ্ছন্ন মায়ার ?

চির পরিচিত, চির আকাঙ্ক্ষিত বৈকুণ্ঠ ত্যজিয়া

পক্ষিল আবর্তে যেন ছিহ্ন কতদূরে ?

সে কি স্বপ্ন ?...

কোলাহল কত যেন ভেসে আসে—

দূর স্মৃতি সম ।...

এ কি প্রভু !

কিঙ্করের সাথে এ কি তব নব ব্যবহার ?

পদযুগ সেবিবার নাহি অধিকার ?

যেতেছ চলিয়া ?

দাস আমি, ভক্ত আমি,

তব দ্বারে জাগ্রত প্রহরী ।

কোথা যাও, কোথা যাও হরি ?

( নিদ্রাভঞ্জে এ পাশ ও পাশ করিয়া উঠিয়া পড়িলেন।  
চারি দিকে বিস্তৃত দৃষ্টিতে তাকাইতে লাগিলেন, বলিলেন )

নিদ্রাশূন্য মস্তিষ্কের উত্তপ্ত প্রহার ।

উঃ ! বাহিরে কি ভীষণ ভর্যোগ !

গহনগূহ দামিনী প্রকাশ,

কড় কড়, ঘড় ঘড় নাদ,

অবিশ্রান্ত ঝরে বারিধারা,

ঠিক মোর হৃদয়ের প্রতিচ্ছবি যেন ।

( বাহিরের দিকে তাকাইয়া থাকিতে থাকিতে হাই  
উঠিল, বলিলেন )

নিদ্রাদেবী বড়ই সদয়া হরি !

বহু দিন নিদ্রাহীন,

তাই বুঝি প্রকৃতি পূর্ণিতে চার লব অবসাদ

আজিকে নিশার ? মহানিশা কি এ !

মহা-নি-শা... ...

( নিদ্রার ক্রোড়ে চলিয়া পড়িলেন ও পুনরায় স্বপ্ন ভগ্নে  
চলিয়া গেলেন, বলিতে লাগিলেন )

( স্বপ্নঘোরে ) শান্ত সুরসাল রমানিকেতন !

মাঝে মাঝে স্বপ্ন ঘোরে হারাই তোমারে ।

কোথা বাই ? কোথা হতে আসি পুনরায় ?

বাঁধা মদা মাধবের পার,

সে বন্ধন কেমনে ছিঁড়িয়া যার ?



এইবার ধরেছি তোমারে, ছাড়িব না আর ।...

( বাহিরে প্রচণ্ডরবে এক বজ্র পতনের শব্দ হইল  
কশিপু একটু নড়িলেন, স্বপ্ন জগৎ হইতে বিচ্ছিন্ন না হইবার  
জ্ঞাত প্রাণপণে চেষ্টা করিতে লাগিলেন )

আকর্ষণ ! আকর্ষণ ! তীব্র আকর্ষণ !

না-না,—ছাড়িব না জন্মগত অধিকার মোর !

ঋষি শাপ ?...ঋষিশাপ ?...

দয়া কর, দয়া কর প্রভু !

পারিব না ছাড়িতে মাথবে ।

রক্ষা কর মোরে । ওঃ-ওঃ...

( গৌড়াইতে লাগিলেন, কন্নাধুর নিদ্রাভঙ্গ হইয়া গেল ।  
তিনি ত্রস্ত পদে বিস্ত্রস্ত বেশে স্বামীর শয্যাপাশে আনিয়া  
বলিলেন )

কন্নাধুঃ—কি হয়েছে ? কি হয়েছে নাথ ?

( গায়ে হাত দিয়া ) প্রভু ! দৈত্যরাজ !

( কশিপু জাগিলেন ও অর্থহীন দৃষ্টিতে রানীর দিকে  
চাহিয়া রহিলেন, কন্নাধু বলিলেন )

কি হয়েছে নাথ ?

শূন্যদৃষ্টি, উদাস নয়ন ; যেন কোন—

হিরণ্য :—ক্ষমা কর, ক্ষমা কর মোরে ।

( হাত জোড় করিলেন, প্রায় কাঁদিয়া ফেলিলেন ।  
কন্নাধু আরও নিকটে গিয়া তাঁহার বুকে পিঠে হাত বুলাইতে  
বুলাইতে বলিলেন )

কন্নাধুঃ—শান্ত হও প্রভু ! হেরিয়াছ হৃৎস্বপন ।

( কশিপু এইবার পূর্ণ জাগ্রত হইলেন ও এতক্ষণে রাণীকে চিনিতে পারিলেন, বলিলেন )

হিরণ্য :—ও রাণি ? ঝাণি !

সত্য তেরিমাছি দুঃস্বপন ।

কন্নাধু :—কী সে স্বপন প্রভু ?

হিরণ্য :—ঝাণি ? স্বপন ? স্বপন ?

( সহসা অর্থহীন হাসি ও পরে গম্ভীর হইয়া বলিলেন )

সাহস না হয়, নারি প্রকাশিতে ।

তবে এইমাত্র শুনে রাখ,

‘আর নহে দূর ।

সত্যের দুয়ারে আমি বারংবার করেছি আঘাত ;

বৃষ্টি টুটিবে অর্গল, খুলিবে দুয়ার ।

স্মৃচনা তাহার ... ..

( এমন এক উৎকট ভংগীতে বাহিরের দিকে তাকাইলেন, ষাহাতে কন্নাধু ভীত হইয়া রোদন করিয়া ফেলিলেন, কশিপু তাহার দিকে ফিরিয়া বলিলেন )

হিরণ্য :—রোদন কি হেতু প্রিয়ে ?

দেখিছ বাহিরে, প্রকৃতির উন্মত্ত নর্তন !

জ্বলিতেছ বিরাট গর্জন !

কি উদ্দেশ্য তার ? কিবা চায় ?

কেন চায় ? কারে চায় ?

জানে না সে ! জানে না সে ।

তবু দেখ নাচে উন্মাদিনী ।

কন্নাধু :—কি কহিছ প্রভু ?

হিরণ্য :—আমিও জানি না ।

শক্তি নাই জানিতে সে রহস্য অপার ।  
 তুমি জান প্রাণহীন মোরে,  
 নিষ্ঠুর, দাণ্ডিক, ক্রুর ।  
 কভু কি ভাবিতে পার,  
 রূঢ় ব্যবহার, শতেক যন্ত্রনা  
 যত কিছু দিয়াছি তোমারে,  
 তাহার সহস্রগুণ ফিরায়ে পেরেছি  
 এই মর্মস্থলে মোর ?...  
 কভু কি ভাবিতে পার ? থাক্ সেই কথা,  
 অন্ধ আমি শক্তির চলনে,  
 মহাশক্তি ঘিরে আছে মোরে ।

করাধু :—মহারাজ !

( নিকটে গিয়া সান্তনা হেতু বুক হাত দিলেন )

হিরণ্য :—নিতা নিতা, তিলে তিলে  
 দংশন করেছে মোরে স্তম্ভীত জালায় ।  
 ভাব কি মতিধী, বড় সুখ হৈহা,  
 যার তরে আপনারে করেছি বিক্ষত ?  
 আমি কি করেছি ?  
 যে করেছে, সে আছে লুকায়ে ।  
 এমন নিপুণ ভাবে আপনারে রেখেছে গোপন,  
 সাধা নাই ধরে জীব তারে ।  
 সারাটি জীবন আমি ছুটিয়াছি পশ্চাতে তাহার,  
 সহিয়াছি নির্দয় প্রহার, সাধোর অতীত বাহা !  
 আর নহে ।

সীমার বন্ধন বহুদিন গিয়াছে টুটিয়া ;

এইবার আসে ক্রান্তি, আসে শ্রান্তি... ..

( করাধুর ক্রোড়ে ঢলিয়া পড়িলেন । করাদু পরম স্নেহভরে তাহার গাত্রে হস্ত বুলাইতে লাগিলেন । কশিধু যেন খণিকটা সুস্থ হইলেন ; সহসা উত্তেজিত ভাবে ক্রোড় হইতে মস্তক তুলিয়া বলিলেন )

কিন্তু স্থির জেনো,

জীবিত থাকিতে পরাজয় নাই লব মেনে ।

করাধু :—(স্বিদ্ধ স্বরে) প্রভু !

ক্রান্ত যদি তুমি, লভহ বিশ্রাম ।

হিরণ্য :—ঠিক বলিয়াছ রাণি । বিশ্রামের হয়েছে সময় ।

নহে এইখানে ! কোথা ? কতদূরে ?

দেখা দেয় ধীরে ধীরে অক্ষুট ইংগিতে ।

( করাধু বিহ্বলভাবে চাহিয়া রহিলেন )

আশ্চর্য মহিষী !

সন্দেহের কণামাত্র নাই অবকাশ,

এমনই কোশল, হেন সমাবেশ ।

তবু দেখে মায়ার প্রভাব ?

বারে বারে জন্মজন্মান্তরে, শুধু সেই একই কথা,

একই ভুল, একই সন্দেহ ।

করাধু :— কি সে সন্দেহ নাথ ?

হিরণ্য :—বলেছি ত' বহুবার ।

তবু যদি আরবার চাহ শুনিবারে,

শোনাবো তোমারে প্রিয়ে ।

এস কাছে, আরও কাছে প্রাণধরী !

জীবনের কাহিনী আমার,  
 তোমার বুকের মাঝে লিখে দিই জনল অক্ষরে ।  
 অবসর আর বুঝি মিলিবে না মোর !  
 আজি এই প্রকৃতির উন্মত্ত নতন,  
 তারি মাঝে শুন মোর হৃদয়ের পণ ।...  
 চারিদিকে শুধুমাত্র রণ, রণ, রণ ।  
 নৃত্য যুগ্মে জনমের সাথে,  
 সৃষ্টির মস্তকে ধ্বংস আসি  
 বারংবার করিছে আঘাত । চমৎকার !  
 ঐ হের পৌরুষ মাগিছে রণ অদৃষ্টের সনে ।  
 অশ্রাস্ত অনন্ত এই রণ কোলাহলে,  
 কেবা আমি, কেবা তুমি, পার কি চিনিতে ?

করাধু :— বাক্য তব বুঝিতে না পারি ।

কী যে প্রহেলিকা ?

হিরণ্য :—( বাধা দিয়া ) ঐ, ঐ প্রহেলিকা, কুন্নাট আঘাত,  
 দৃষ্টি নাহি চলে, বাক্য নাহি কুটে,  
 উদ্ভ্রান্ত মানস থিয় হয় কঠিন আঘাতে ।

করাধু :— ( পরম বিস্ময়ে ) আঘাত ?

হিরণ্য :—নিষ্ঠুর আঘাত । আপনারে আপনি আঘাত ।  
 নাহি অভিযোগ, নাইক বিচার ।

অপরাধ আপনার মনে, শূণ্ণে শূণ্ণে বিচার তাহার ।

করাধু :— প্রভু ! উত্তেজিত তুমি ।

হিরণ্য :—অভিমান ! অভিমান !

সাধ্য কি আমার ? সাধ্য কি তোমার ?

মূৰ্খ জীব, বুদ্ধির বিচারে চাহে

ঈশ্বরের অস্তিত্ব জানিতে ।

ফল তার, অন্ধকার,

ঝঙ্কা, কোলাহল, গাঢ় অবসাদ ।

তারপর, ... মৃত্যুর কোমল স্পর্শে...

( কথা বলিতেছেন দূরে লক্ষ্য রাখিয়া ; সহসা কি যেন দেখিতে পাইয়া বাক্য বন্ধ হইয়া গেল ; ভয়, বিষময় ইত্যাদি ভাবের প্রকাশ ; পরে বলিলেন )

ওকি ?

ওকি ও দৃশ্য কল্পনা অতীত ?

( কাঁপিতে লাগিলেন । কর্ণাধু তাঁহাকে ধরিলেন । স্তম্ভ হইতে কশিপুর কিছুটা সময় লাগিয়া গেল । তিনি যেন দুর্বলতাটি দূর করিতে সবলে মস্তক নাড়া দিয়া বলিলেন )

ওঃ ! পরাজয় !

হুর্বিষহ পরাজয় দানবের ভালে !

নিজা নহে অধীন আদার ;

স্বপনের বারতা লইয়া রহস্ত সে করে মোর সনে ।

আজি দেখি জাগরণে—জাগ-রণে ...

( কথা বলিতে বলিতে আবার যেন সেই দৃশ্য দেখিয়া বিস্মিত কণ্ঠে বলিলেন )

সেই ! সেই মৃতি !

নব সৃষ্টি, নূতন কল্পনা, অভিনব প্রাণী !

রাগি ! রাগি ! জাগ্রত কি আমি ?

( হুই হস্তে চক্ষু ঢাকিলেন । কর্ণাধু কি করিবেন, বিহ্বল ও ব্যাকুল হইয়া তাহার অঙ্গে হস্ত বুলাইতে লাগিলেন ।

কশিপু ধীরে ধীরে চকু হইতে হস্ত অপসারিত করিয়া  
বলিলেন )

না ! চলে গেছে ।

মিশে গেছে প্রকৃতির গায় ।

করাধু :— সংশয়ে রেখোনা প্রভু আর ।

হিরণ্য :— নহেক' সংশয় প্রিয়ে ।

ভুল, ভুল । পরিমাণ হয় না তাহার ।

অভ্রভেদী ভ্রমের পাহাড়,

আপনার চারিদিকে করেছি সঞ্চয়,

বিনিময়ে হরত বা দিতে হবে প্রাণ !

বিষণ্ন হইয়া রাগি, হইয়া কাতর ।

হৃদয়ের অভ্যন্তরে পাইয়াছি সত্যের সন্ধান,

বাহিরিতে চান্ন মহাবেগে ;

ভাগ্যের ছলনা ! প্রকাশিতে সাহস কোথায় ?

আজীবন মিথ্যারে করেছি পূজা,

আজি সত্যে হেরি ভয় আসে দানবের প্রাণে ।

( চুপ করিয়া গেলেন । হঠাৎ কি বেন ভাবিয়া হাসিয়া  
উঠিলেন, বলিলেন )

ভয় ! ভয় আসে দানবের প্রাণে !

( আবার ক্ষণেক চুপ, পরে বলিলেন )

হাসিতে পারিবে রাগি ?

শোনাবো তোমারে এক অপূর্ব কাহিনী,

আমারি অন্তরে জাত, মরিয়াছে আমারি অন্তরে ।

করাধু :— প্রভু !

হিরণ্য :— বুঝিয়াছি । শুনিতে ব্যাকুলা তুমি ।

শোনানো কর্তব্য মোর ।

তুমি জানো, কিবা বরে বলীয়ান আমি !

অমর বলিতে পার মোরে ।

‘মানব দানব দেব রাক্ষস পিশাচ

সৃষ্ট যত পশু পক্ষী কীট,

কারও হস্তে মরিব না আমি ।

জলে স্থলে অনলে অনিলে

বোম মাঝে মৃত্যু নাহি হবে ।

অস্ত্রের অভেদ এই শরীর আমার’ ।

তথাপি, মরিতে হবে মোরে—

বল দেখি রাগি ! কে বধিবে মোরে ?

( কন্যাধু নির্ঝাক; নিম্পন্দ । তাঁহার অবস্থা দেখিয়া  
কশিপু যেন কতকটা আশ্রয় অনুভব করিয়া হাসিয়া  
উঠিলেন, বলিলেন )

হা ! হা ! হা !

দেখিয়াছ নির্ঝাক করেছি তোমা !...

নিজে, নিজে আমি করিব সন্ধান

আমার মরণ বান আমার জীবন পরে ।...

( কন্যাধু বোধ হয় ভাবিলেন যে স্বামীতে উদ্ভক্ততা  
আশ্রয় লইয়াছে, তাই অতিমাত্রায় বিচলিত হইয়া গুরুদেবকে  
স্মরণ করিলেন, গুরুর উদ্দেশে বৃদ্ধ কর বলিয়া উঠিলেন )

কন্যাধু :—গুরুদেব ! রক্ষা কর মান ।

(শ্রীগুরু স্মরণে কশিপু চকিত হইয়া বলিলেন)

হিরণ্য :—ঠিক বলিয়াছ রাগি ।

ভালো কথা করেছ স্মরণ ;



পারিবে কি গুরুদেবে করিতে আছান ?  
 নিশীথের আধার ভেদিয়া, কেহ নাহি জানে,  
 শুধু তুমি আর আমি—

( কন্নাধুকে চলিতে উদ্ভত দেখিয়া, কশিপুর মনে আর  
 এক কথা জাগিল, সেটি জানাইতে বাগ্ন হইয়া কন্নাধুর প্রতি  
 অপ্রসন্ন হইয়া অনুনয়ের সুরে বলিলেন )

নহে শুধু গুরুদেব,  
 আশ্রমে তাঁহার একজন আছেন নাথক,  
 মহাপ্রাণী, তত্ত্ববর্শী তিনি  
 পার যদি, পার যদি রাগি—

কন্নাধুঃ—বিচলিত কি হেতু রাজন্ !  
 এই দণ্ডে পাঠাবো সংবাদ ।  
 স্থির হও তুমি, আগিতেছি ক্ষণে ।

(প্রস্থান)

হিরণ্য ঃ—সত্যই কি বিচলিত আমি ?

স্থিরতা নাহিক মোর ?  
 আশ্রমের পরে' নাহি অধিকার আর ?  
 কেন ? কিসের লাগিয়া ?  
 শক্তি নাই, সামান্য এ দুর্বলতা করিবারে জন্ম !  
 আশ্রুক মরণ, হাসিমুখে করিব বরণ,  
 রণ দিব মরণের সাথে ।...  
 কিঙ্ক নরনে কি রহস্ত হেরিষু ?  
 উন্নততা করিল আশ্রম মোরে ?  
 কেন ! কেন অভিমান ?  
 বারে বারে কেন শুধু হই হতমান ?

হরি নামে কেন হই কাতর এমন ?

হরিনামে... এই ! কে আছ বাহিরে ?

( প্রবেশ করিল জনৈক পরিচারক । তাহাকে একবার দেখিয়া কি বলা উচিত ভাবিবার ক্ষণ সময় লইলেন, পরে বলিলেন )

আম্ন এইখানে ।

শোন । শিখেছিস হরিনাম তুই !

পরি :—না প্রভু !

হিরণ্য :—(ধমক দিয়া) মিথ্যা কথা ।

দানব পুরীর আকাশে বাতাসে উঠে হরিনাম,

শিখ নাই তুমি ?

পরি :— না প্রভু !

অরিনাম কি হেতু শিখিব ?

হিরণ্য :—অরি নাম ? কে বলিল তোরে ?

কেবা অরি ? কার অরি ?

তোমার ? আমার ?

ওরে ! ওরে ক্ষুদ্রজীব ! না, না,—

সে ত' অরি নয়, সে যে ...

গা, গা ত' শুনি হরিনাম গান ।

ভয় কি ? ভয় কি ?

কেহ শুনিবে না, কেহ জানিবে না ।

বল্ দেখি, যেমন প্রহ্লাদ বলে,

হরিবোল—হরিবোল—হরি ...

( স্বরে বেশ একটি ভাবের আবেশ । ঠিক এমনি সময়ে

প্রবেশ করিলেন কর্ণাধ, পশ্চাতে গুরুাচার্য্য তাঁ সাধু।  
 তাঁহাদের দেখিয়া কশিপু মুখে হরিণাম থামিয়া গেল,  
 সহসা অদ্ভুত পরিবর্তন। তিনি অন্তরে লজ্জিত হইয়া বাহিরে  
 কঠোর হইয়া গেলেন এবং পরিচারকটির দিকে চাহিয়া  
 চীৎকার করিয়া বলিলেন)

হরি! হরি! হরি!

যাও! আর কভু ঐ নাম নাহি যেন শুনি।

যা-ও ...

(পরিচারকটি বিস্মিত হইয়া ভয় পাইয়া চলিয়া গেল।  
 কশিপু আগন্তুকদের সম্ভাষণ জানাইবার বাঁসনায় অগত্যা  
 নিজেকে স্থির করিবার মানসে বলিলেন)

আসিয়াছ গুরু? এসেছ সাপক?

অজি এই রজনীর তাণ্ডবনর্তন সঙ্গে

পাইয়াছি সত্যের সন্ধান।

তাই, সত্যমূর্তি তোমরা দুজনে,

হয়েছিলে! সাধ, সত্যধনে করাবে আশ্বাদ।

গুরু :— বৎস!

বৃদ্ধিত না পারি বচনের অভিপ্রায় তব।

উত্তেজিত নেহারি মানস তব।

হিরণ্য :— সৌম্যমূর্তি সত্য আসি

অিতমুখে দাঁড়ায়েছে দুয়ারে আমার,

বিকল করেছে মোরে।

ডরে কুখিয়াছি আমি হৃদয়ের দ্বার,

রুদ্ধদ্বারে বারংবার করিছে আঘাত।

সত্য সনে মিথ্যার সংঘাতে,

জানি আমি এই দেহ লয় ।

আমি দেখিয়ার্ছি আজি সৃচনা তাহার ;

সত্য সত্য গুরুদেব ! সত্য হে সাধক ?

সাধু :— মহা ভাগ্যবান তুমি, হেরিয়াছ সত্য প্রতিকৃতি ।

হিরণ্য :—নহে প্রতিকৃতি প্রভু ।

সত্যের ছলনা, ছায়ামূর্তি তার ।

আসে লজ্জা, হয় ভয় সত্যেরে ধরিতে ।

ব্যক্তি মিথ্যাপূর্ণ এ আধারে সত্য আসিবে না !

তাই অভিমানী মিথ্যারে নাশিতে,

মূর্তি ধরি আসিঘাছে নূতন কল্পনা,

নবীন সৃজন এক !

শুক্র :— কি কহিছ দৈত্যরাজ ?

হিরণ্য :—আমি নাহি জানি । জানে শুধু একজন ;

কিস্তি শত্রু, শত্রু, শত্রু সে আমার ।

শুক্র :— শত্রু ?

হিরণ্য :—মহা শত্রু । আজীবন করেছি শত্রুতা !

আজ তারে হৃদিমাঝে ...না-না-না,

তুজ্জর দানব আমি, তুমি দানব ।

( বলিতে বলিতে উত্তেজনাভরে কাঁপিতে কাঁপিতে শব্দায় ঢলিয়া পড়িলেন । কন্নাধু ছুটিয়া তাঁহাকে ধরিয়া বস্ত্রে পানকে শোয়াইয়া দিলেন, বলিলেন )

কন্নাধু :—দৈত্যরাজ ! দৈত্যরাজ !

হিরণ্য :—( দূরে কান পাতিয়া ) চুপ্-চুপ্ !

আসিছে উত্তর । উত্তর আগত ঐ ...

( বাহিরে প্রহ্লাদের গীত শ্রুত হইল । সকলে নীরব ।

গাহিতে গাহিতে প্রহ্লাদের প্রবেশ )

চমকি চমকি যায় ঘন বিজুরী ।

ঠমকি ঠমকি আসে দয়াল হরি ।

মেঘের নিনাদ ভেদি উঠে সঘনে,

চরণমুপূরধ্বনি মধুর রণে ॥

কিবা, মনোহর সুন্দর রূপের বিভা

জিনি, বিজুরী আলোক শোভা খেলিছে মরি ।

সে যে, মোর শ্রীহরি, সে যে, তোর শ্রীহরি

সে যে, জগত হরি ।

হরিবোল, হরিবোল, হরিবোল, হরিবোল ।

দয়াল দয়াল হরি, দয়াল হরি ॥

( গীতান্তে ছুটিয়া কশিপুর শয্যাপার্শ্বে গেলেন । কশিপু  
তঁাহাকে দেখিয়া মহানন্দে স্থিতমুখে উঠিয়া দাঁড়াইলেন )

প্রহ্লাদ :—পিতা ! পিতা !

বড় শুভদিন, বড় শুভদিন ।

বলেছেন শ্রীহরি আমারে, আজি এ দানবপুরে,

প্রতি অণু, প্রতি পরমাণু

ধন্য হবে শ্রীহরির চরণ লভিয়া ;

তিনি ব'লেছেন মোরে ।

হিরণ্য :—বলেছে তোমারে ? ( কণ্ঠে স্নেহের সুর )

প্রহ্লাদ :—হাঁ পিতা । বলেছেন মোরে আপনি শ্রীহরি !

জড় মাঝে আসিবে চেতনা, অজ্ঞান পাইবে জ্ঞান,

নূতন প্রেমের লীলা হইবে বিকাশ ।

হিরণ্য :—(উল্লাস ভরে) জানি আমি, জানি আমি ।

নূতন প্রেমের লীলা, নূতন প্রেমের লীলা...

প্রতি অণু প্রতি পরমাণু...

অজ্ঞান পাইবে জ্ঞান...

( সহস্রা গুণাচার্যের দিকে অগ্রসর হইয়া বলিলেন )

বল গুরু, বল মোরে, আমি কি উন্মাদ ?

শ্রুত :- কভু নহ । স্থির হও তুমি ।

হিরণ্য :- কেন ? কেন এই প্রতারণা ?

ছলনা কি হেতু ?

হতে পারে সর্বশক্তিমান, সর্বমুলাধার,

কিন্তু জিজ্ঞাসি তোমারে,

বল গুরু বল মোরে, কেন এই আবরণ ?

কেন এই আচরণ চোরের মতন ?

সহজ সত্যের পথে চলিতে কি হেতু মানা ?

আমি কি জ্ঞানি না ? আমি কি চিনি না ?

আমি কি... ?

স্বচক্ষে দেখেছ গুরু,

দুঃখপোষ্য শিশু মোর প্রহ্লাদ কুমার,

তারে আমি, তারে আমি...

ওঃ । হরে আসে আচ্ছন্ন সঙ্ঘিৎ ।

কত যে স্নেহি, কত যে কৈদেহি,

কপট সে মায়াবীর লাগি,

নিত্য নিত্য নিশিদিন, কে বুঝিবে তাহা ?

আজও দেখেছি তারে ;

কণ পূর্বে এসেছিল হেথা ।

প্রহ্লাদ :- কে ? কেবা এসেছিল পিতা ?

হিরণ্য :— ওরে ! তোর নারায়ণ হরি ।

তোরে দেছে অভয়া মুরতি, প্রেম রস বাণী ;

মোর তরে কদম্বমূর্তি, চণ্ডরূপ,

ভীষণ সে, বঙ্গনা অতীত ।

কঙ্কণার কণামাত্র নাই তাহে লেপা,

শুধু হিংসা, শুধু ঘৃণা, নম্রবাসী ক্রুরতা কেবল ।

প্রাণেশ্বর :—একি বল পিতা !

ওরি তিনি নন, কভু নন্ তিনি ।

আমি যে তাঁহা হই জানি, আমি যে তাহারে চিনি!

এসেছিল যবা, ধন্যবেশী, চলিয়া গিয়াছে তোমা

হরি বলি দিয়া পরিচয় ।

হরি মোর প্রেমময়, প্রেমে নাথ সর্ব তনু তাঁর ।

প্রেমনীবে গলিয়া গলিয়া তিনি যে অতনু !

প্রেমিক যে জন, সেই মাত্র দেখে তাঁর রূপ,

আপনার মানস নয়ন, প্রেমের অঙ্গন দিয়া ।

হিরণ্য :—তবে যে দেখিছ।

অধিকায় মানবের প্রায়, অপরাধ সিংহের আকার

বিস্তারিয়া সুতীক্ষ্ণ নখর,

জালপরে রাখি মোর ভীম দেহখানি,

রুধির শুষিতে চায় অভিনব প্রাণী ?

আমি যে দেখিছু...

( বলিতে বলিতে দূরে দৃষ্টি স্থির হইয়া গেল )

ঐ ! ঐ দেখ, ঐ দেখ !

স্তম্ভ অস্তুরালে, দন্তভরে চাহে মোর পানে !

কি চাহে ? কি চাহে মায়াবী ?

শাস্তি দিব তারে, শাস্তি দিব তারে—

হিরণ্যকশিপু আমি, দানবের পতি ।

( ছুটিয়া স্তম্ভটির দিকে অগ্রসর হইলেন ও শ্বেতস্তম্ভ  
জড়াইয়া ধরিলেন ; উত্তেজনার হাঁফাইতে লাগিলেন ও  
ধীরে ধীরে স্তম্ভগাত্র অবলম্বনে গড়াইয়া পড়িলেন )

ওঃ ! ওঃ !

( কষাধু ও প্রহ্লাদ দুজনে দুই পার্শ্বে গিয়া দাঁড়াইলেন )

প্রহ্লাদ :—পিতা ! পিতা !

হিরণ্য :—(রুদ্ধশ্বাসে) তোরা হরি ? আসিবে না ?

দানবের অন্তিম কামনা...

( কষাধুকে কাঁদিতে দেখিয়া তাঁহার দিকে ফিরিয়া  
বলিলেন, বষ্ঠ ভাঙ্গিয়া গিয়াছে )

বড় সুচতুর, বড় সে কৌশলী !

পরাজয় জানিয়া নিশ্চিত,

আমার বধের ভার দিল সে আমারে ।

আমি নিজে, দিনে দিনে তিল তিল করি,

কল্পনার জাল দিয়া রচিয়া আশুধ,

জীবনের ভিত্তিমূলে করিমু আঘাত ।

ফলে তার বিরাট এ হর্মরাজি পড়িল খসিয়া ।

ওঃ ! নারায়ণ !

( হঠাৎ দেখা গেল যে স্তম্ভিকস্তম্ভ অন্তর্হিত, তৎপরিবর্তে  
সেটি নৃসিংহমূর্তি ধরিয়াছে, জাম্বুপরে হিরণ্য কশিপু । তাঁহার  
নয়নে প্রেমাগ্ন, তিনি গদ গদ স্বরে বলিতেছেন )

দেখ্ দেখ্ দেখ্ রে প্রহ্লাদ,

হরি তোর সেজেছে কি মাজে ?



কত দয়া, দেখ্ আখি মেলি ।

এ আমার কল্পনার হরি, এষে নরহরি,

একান্ত আপন মোর, একান্ত গোপন মোর,

নিশার স্বপন মোর ।

(ঠিক এমনি সময়ে প্রবেশ করিলেন সন্ন্যাসিনি দিতি ।

কশিপু তাঁহাকে দেখিয়া উল্লসিত হইলেন, বলিলেন । )

এসেছ জননি ? দেখ, দেখ,

বৈকুণ্ঠ বিহার হতে,

টানিয়া এনেছি কারে এই মতধামে ?

কার ক্রোড়ে পেতেছি শয়ান ?

( কন্যাধু দিতির পদতলে আছড়াইয়া পড়িলেন । কশিপু একবার মাত্র সে দৃশ্য দেখিয়া প্রাণীদের দিকে চাহিয়া বলিলেন, তাঁহার স্বর তখন অতি কষ্টে বাহির হইতেছে )

বল্, বল, সময় যে নাই ?

বল্—হরিবোল—হরিবোল—হরি-বো-ও-জ ।

( নির্ঝাণ । সকলে স্তব্ধ । ধীরে ধীরে প্রভাত হইতে লাগিল, আকাশ তখন নিমেষ । যবনিকা পড়িতে লাগিল, অন্তরীক্ষে সজীত শ্রুত হইল । )

তব কর কমলধরে নখমদ্রুত শৃঙ্গম্ ।

দলিত হিরণ্যকশিপু তনুভঙ্গম্ ।

কেশবধৃত নরহরিরূপ জয় জগদীশ হরে ॥

—য ব লি কা—

